

# চাঙমা কথায় বুদ্ধ বন্দনা

(চাঙমাউনর বিজগর কথা)



-শ্রীমৎ বোধিপাল মহাথের



## কল্পতরু বই পিডিএফ প্রকল্প


কল্পতরু মূলত একটি বৌদ্ধধর্মীয় প্রকাশনা প্রতিষ্ঠান। ২০১৩ সালে “হৃদয়ের দরজা খুলে দিন” বইটি প্রকাশের মধ্য দিয়ে এর যাত্রা শুরু।

কল্পতরু ইতিমধ্যে অনেক মূল্যবান ধর্মীয় বই প্রকাশ করেছে। ভবিষ্যতেও এ ধারা অব্যাহত থাকবে। কল্পতরু প্রতিষ্ঠার বছর খানেক পর “kalpataruboi.org” নামে একটি অবাণিজ্যিক ডাউনলোডিং ওয়েবসাইট চালু করে। এতে মূল ত্রিপিটকসহ অনেক মূল্যবান বৌদ্ধধর্মীয় বই pdf আকারে দেওয়া হয়েছে। সামনের দিনগুলোতে ক্রমান্বয়ে আরো অনেক ধর্মীয় বই pdf আকারে উক্ত ওয়েবসাইটে দেওয়া হবে। যেকেউ এখান থেকে একদম বিনামূল্যে অনেক মূল্যবান ধর্মীয় বই সহজেই ডাউনলোড করতে পারেন। আমাদের একমাত্র উদ্দেশ্য হচ্ছে, বর্তমান আধুনিক প্রযুক্তির যুগে লাখো মানুষের হাতের কাছে নানা ধরনের ধর্মীয় বই পৌঁছে দেওয়া এবং ধর্মজ্ঞান অর্জনে যতটা সম্ভব সহায়তা করা। এতে যদি বইপ্রেমী মানুষের কিছুটা হলেও সহায় ও উপকার হয় তবেই আমাদের সমস্ত শ্রম ও অর্থব্যয় সার্থক হবে।

আসুন ধর্মীয় বই পড়ুন, ধর্মজ্ঞান অর্জন করুন!  
জ্ঞানের আলোয় জীবনকে আলোকিত করুন!

This book is scanned by Suvananda Bhante

29/12/2000



শ্রীমৎ বোধিপাল মহাথের ।

বইবো জ্যোড়ৈয়্যা  
শ্রীমৎ বোধিপাল মহাথের

লেগ্‌থেবো  
শ্রীমৎ অনোমদর্শী ভিক্ষু

কম্পিটারত শুদ্ধ গরিয়েবো  
শ্রীমান বৃহৎদর্শী শ্রমন

প্রকাশ গরিয়েউন  
বাবু অরুনেন্দু চাক্‌মা  
শ্রীমতি অনিতা চাক্‌মা  
বাবু সামু তালুকদার  
মিসেস মঞ্জুলিকা তালুকদার  
আগ্রাবাদ, চট্টগ্রাম ।

ফগদাং অনা  
৭ই ডিসেম্বর ২০০০ইং  
২৩শে অগ্রহায়ন ১৪০৭ বাংলা  
২৫৪৪ বুদ্ধাব্দ  
বৃহস্পতিবার  
বইবো পা য়েব  
গামারী ঢালা বন বিহার  
খাগড়াছড়ি ।

বইবোর শুভেচ্ছা দাম  
২০ টেঙ্যা

## জোড়েয়্যাবোর কথা

বাপ-ভেই, মা-বোন লক আমি অলঙ্গে জাদে চাঙমা এবং ধর্মে বৌদ্ধ । এই বৌদ্ধ জাদিব, ভগবান বুদ্ধ বাজি এল-দে সিভুন ধুরি ঘর-বাড়ী নেই গরিন্যায় ঝড়ত ভিজি ভিজি এজিভেই এজ ঝড়ত ভিজি ন-ফুরের । সেকেনেভুন ধুরিন্যায় বান্দর জাগ্ ধগ, এ গাছভুন-ও গাছত্ গরি বেড়াদে বেড়াদে, কুধু কুধু ছিনি রোই যের তার কন ঠিগ্ নেই । আমি অলঙ্গে পরাকবাল্যা বান্দর ধগ । আমারে ইন্দি গেলে দাবেদোন, উন্দি গেলে লোড়ে দোন, ইন্দি গেলে মারন, উন্দি গেলে ধরন । কিন্তু এজ আমাতুন আকল ন বজে ।

মুই ইক্কো বৌদ্ধ ভিক্ষু । সুতরাং জগদর সকল প্রাণী সুগী অদোক-দুগর প্রাণী দুগভুন মুক্ত অদোক, ইয়ান মর একমাত্র কামনা-ভাবনা । আর দুগর প্রাণীরে দুগর মুক্তির কথা শুনানাই মর জীবনর ব্রত । সিথ্যাই মুই এবার দেজ বেড়েই কষ্ট গরি বৌদ্ধ জাতোর বিজ্ঞান টুবেনে - “চাঙমা কথায় বুদ্ধ বন্দনা” নাঙ দিন্যায় এই সিগোন বইবো আমা জাতোয়া দু তুলি ধঙর । এই বইবো মাদেইয়ে জাদ্-ভেই যাঃ একানা অলেও উপকৃত অন এবং নিজর দোষ ত্রুটি সংশোধন গরি পারন তাহলে মর দুগকান স্বার্থক অয়য়ে বিলিনে মনে গরিম ।

এ বইবো মাদেইয়া বাপ-ভেই, মা-বোন লক বার বার চেষ্টা গড়ানা সত্ত্বেও বইবোত হয়তো অনেক ভুল রোই জিয়ে । কারণ এদক বজরর পুরানা কথা মনত রাগেবার

নয় । আর বহুত্ সত্য কথার স্ন, তারিখ কিচ্ছু দি-পারা না যায় । সিত্যাই মুই অমকদ দুগ্খিত । এই অনিচ্ছাকৃত ভুলানতেই মুই পাঠক পাঠিকাউনত্বন ক্ষেমা চাঙর ।

এ বইবো লেগ্‌দে মঅ শিষ্য বিশুদ্ধার ভিক্ষু আ মোগ্‌গলী তিস্‌স্য ভিক্ষু আরো কয়েকজনে অমকদ কষ্ট পোয়োউন । শেজে অনোমদর্শী ভিক্ষুর আদে বইবো লেগা তুম গরিনে তার অক্লান্ত পরিশ্রমে বইবো প্রকাশর উপযোগী গরা অয়ে । তারারে মর অন্তরর অভিনন্দন সহ আর্শীবাদ দিনেই তারার ভবিষ্যত দোল জীবনর কামনা গরঙর ।

আর এই বইবোর প্রকাশক, ধর্মপ্রাণ অন্যতম দায়ক বাবু অরুনেন্দু চাঙমা আ তদীয় পত্নী শ্রীমতি অনিতা চাঙমা এবং বাবু সামু তালুকদার আ মিসেস মঞ্জুলিকা তালুকদার তারারে মর কল্যাণ বর্ষিত আন্তরিক আর্শীবাদ ও কৃতজ্ঞতা জানাঙর ।

স্বধর্মপ্রাণ পাঠক পাঠিকাউন্ অনিচ্ছাকৃত ভুলত্রুটি ক্ষেমা গরিনে ভুলানি মরে দেখে দিলে মুই খউব খুশী ওম ।

সবের সত্ত্বা সুখীতা হোন্ত ভবন্ত ।

ইতি

তারিখঃ ১৫/১০/২০০০  
খাগড়াছড়ি

শ্রীমৎবোধিপাল মহাথের  
গামারী ঢালা বনবিহার



## লেগখেবোর কথা

বেগর কোচ-পেইয়া, বেগর পূজনীয় সাধক পুরুষ আমার কল্যাণমিত্র ধর্ম গুরু শ্রীমৎ বোধিপাল মহাথের জোড়ৈয়্যা “চাঙমা কথায়” বুদ্ধ বন্দনা (বিজগর কথা) নাঙে বইবো লিগি সম্পাদন গরি পারিনে মুই নিজরে নিজে আনন্দ অনুভব গরঙর । কারণ চিগোনতুন ধরিন্যায় বই লিগিবার মর খুউব আওজ এল । কিন্তু মর নিজর জ্ঞান পাদল কিন্যায় সিয়ান মর সেদামে ন-কুলোয় । এবার পূজনীয় ভান্তের শিষ্যত্ব গ্রহণ গরিনে ভান্তে মরে এ বইবো লেগা বাজে দিএ । যাহোক মুই আর ভান্তেতুন বর মাগঙর, যাতে ভবিষ্যতে মুই আরো এদোকেন শতে শদ বইয়র গ্রন্থাকার ও সম্পাদক অই পারং পারা । একান কথা আগেদে “ধুজ খেলে বিলে উজ বজে” কিন্তু আমা চাঙমা উনে সেধক্যে নয় । চাঙমাউনে ধুজ খাদে খাদে চাকমাউনর বেগ ঠেঙ নকুন উধিজিয়োন্দোই । অথচ আমার এজ উজ্জসান নেই । আমাতুন এজগম ভালেদর বিবেক বুদ্ধি জাগি ন-উধে । দুধ-পুয়া ডগ্ গম বজং এজ ন-চিনি । মুই আঝা গরঙ এ চিগোন বইবো মাদেইয়াউনে সিয়ানি বুঝি পারিবাক । মুই এই বইবো বেকুন ইদু আদর পেবার কামনা গরঙর ।

জাদর বাপ-ভেই, মা-বোন লক মুই আধিক্য গরি এই বইবো লিগিলুং মর অলদে জ্ঞানর টানা টাঞ্যা নাগানাঙ্ক্য সিভুন আর চাঙমা কথার এজ কন ব্যাকরণর নিয়ম নীতি নেই । সিয়ান বাদেয়া-চাঙমা কথা কখে উস্ছেয় কিন্তু লেগতে খুউব আগাত্যা । সুতরাং বইবো লেগদে-শব্দ বাক্য ভালোকানি মর ভুল ঔই জিয়ে । সিন্ত্যায় জ্ঞানীউন্ ইধু মুই বইবোর মাধ্যমে ক্ষেমা চাঙর ।

এই বইবো লেগদে যারাতুন মুই সাহায্য পেয়োঙ বিশেষ গরি শ্রীমৎ বিশুদ্ধচার ভিক্ষু ও শ্রীমৎ মোগ্গলী তিসস্য ভিক্ষুরে মর

শ্রদ্ধার বন্দনা জানাঙর । এই বইবোর প্রকাশক ও প্রকাশিকা  
বাবু অরুনেন্দু চাঙমা ও তদীয় পত্নী শ্রীমতি অনিতা চাঙমা  
এবং পুণ্য কামত জড়িত বাবু সামু তালুকদার আঁ মিসেস  
মঞ্জুলিকা তালুকদার তারারেও মুই কৃতজ্ঞ চিত্তে স্মরণ গরঙর ।  
এই লগে আর স্মরণ গরা পরের এই বইবো কম্পিটারত লাগাতে  
যিবেই ধৈর্য্য সহকারে বইবোর ত্রুটি সংশোধন গরি দি সেই  
শ্রীমান বৃহৎদর্শী শ্রমনরে । তারে মুই আশীর্বাদ গরঙ, ভবিষ্যতে  
তারা ইত্তুন বেজ সুগী ও প্রজ্ঞাবান জীবন গঠনে সহায় লাভ  
গন্তোগ ।

জগদর বেগ প্রাণীউন সুগী অদোগ ।

ইতি

তাংঃ ১৮/১০/২০০০ইং  
খাগড়াছড়ি ।

শ্রীমৎ অনোমদর্শী ভিন্সু  
গামারী ঢালা বন বিহার



## প্রকাশকর কিছু কথা

একদিন্য শ্রদ্ধেয় শ্রীমৎ বোধিপাল ভাস্তে মরে কণ্ঠে-“চাঙমাউনে বুদ্ধ ধর্ম নীতি বাড়়া কাম গরন, চলন কিনেই, চাঙমাউনের দুগ্খ (দুঃখ) দুর্দর্শা দিন দিন বাড়়ি য়ার। যেমন- কাবান খের, লড়ান খের, হিংসা-হিংসি, রেষা-রেষী, গরি আমি আমি কাবাকাবি গরিনে মরি য়ের। ইয়েনি আসলে বেঙ্কানি আমা নিজ পাপ কর্মফল। আমা চাঙমাউনে ধর্ম নাঙে পাপ্পানি গরি কিনেঙেই আমা দুগ, আমা পাপ আমারে ন-ছাড়ের। কিন্তু আমা চাঙমাউনে সিয়ানি ন-বুঝন। মুই বিভিন্ন জাগা বেড়েনেই চাঙমাউন্ দুগর বিজ্ঞান টুবেনে- ‘চাঙমা কথায় বুদ্ধ বন্দনা’ নাঙ দিনেই ইক্কো সিগোন বই জোড়়েয়ং। কিন্তু বইবো টেঙা অভাবে ছাবে ন-পারঙর”। এই কথায়ান শ্রদ্ধেয় শ্রীমৎ বোধিপাল ভাস্তে তুন শুনিনেই মুই শ্রদ্ধেয় ভাস্তেতুন সে বইবো প্রকাশ গরিবার প্রার্থনা গরিনে, ভাস্তে মরে সে বইবো ছাবেবার অনুমতি দি-এ। অনুমতি পেনেই পাণ্ডুলিপি নিনেই বইবো ছাবেবার ব্যবস্থা গণ্ডে গণ্ডে অনেক দিন পর এই বইবো আমা চাঙমা সমাজ ইদু তুলি দি-পারির। এই বইবো যদিও বৌদ্ধ জাদিবোর বিজগ্ কথা বা ইতিহাস অয় কিন্তু প্রকৃত পক্ষে বইবো অলদে- আজার আজার বজর আগেতুন ধরিনে আমা চাঙমাউনে বুদ্ধ নির্দেশিত সুন্দর আলোর পদ আরেনেই, অন্ধকার, কুসংস্কার পূর্ণ পদেদি আদির-শ্রদ্ধেয় শ্রীমৎ বোধিপাল মহাথের এই বইবোর মাধ্যমে সে কথায়ান দোলে দালে তুলি ধছে। মুই মনে গরঙ এই বইবোর পাঠক সমাজ সিয়ানি বুঝিনে কল্পনায় অনুধাবন গরিনে-সেই পুরনী (পুরাতন) কুসংস্কারানি বাদ দিনেই, বুদ্ধ নির্দেশিত অহিংসা মৈত্রীপূর্ণ পদত ফিরি এবাগ। যা হোক এই বইবো পড়িনে আমা চাঙমা জাঙো যদি এক্কোনা অলেও উপকৃত অন, তাহলে মর প্রকাশ গড়়ানা অর্থ পরিশ্রম সার্থক অয়ে বিলিনে মনে গড়়িম।

এই বইবো প্রকাশ গণ্ডে বইবোর লেখক শ্রদ্ধেয় শ্রীমৎ অনোমদর্শী ভাস্তে মরে কায়িক, বাচনিক ও মানসিকভাবে সক্রিয় সাহায্য সহযোগিতা গছে-তারে মর শ্রদ্ধার বন্দনা জানাঙর। আর সুযোগ্য চিকিৎসক বাবু সামু তালুকদার ও মিসেস মঞ্জুলিকা তালুকদার এই বইবো প্রকাশ গণ্ডে আর্থিক সহযোগিতার আদ় বাড়়েনে ধন্যবাদর যোগ্য অয়োনে। তারারে মুই কৃতজ্ঞ চিণ্ডে ধন্যবাদ জানাঙর এবং পপুলার আর্ট প্রেসের গিরোজ বাবু নূর আহম্মদ (মিঠু) আর কম্পিউটার গরিয়েবো বাবু সমীরণ নাথ তারারেও মুই কৃতজ্ঞ চিণ্ডে স্মরণ গরঙর। তারার অক্লান্ত পরিশ্রমে আমা বইবো প্রকাশ গরি পারিলং। তারা সত্যিই আমার ধন্যবাদ যোগ্য ও স্মরণীয়।

পরিশেষে জাদর বাপ-ভেই, মা-বোনলক বার বার চেষ্টা গড়়ানা সত্ত্বেও বইবোত হয়তো অজাঙ্তে অনেক ক্রটি-বিচ্ছুতি রোই জিয়ে, সেই অনিচ্ছাকৃত ভুলানঙেই মুই পাঠক-পাঠিকা ইদু আদজুড় গড়়ি ক্ষেমা চাঙর।

ইতি

তাং-২৪শে নভেম্বর ২০০০ইং  
চট্টগ্রাম।

বাবু অরুণেন্দু চাঙমা

## উৎসর্গ

যাঁরার অকৃত্রিম স্নেহ মমতার বন্ধনে আবদ্ধ অয়নে, মরে  
সিগনতুন ধরি পরম আদর যত্নে ডাঙর গচ্ছেন— সেই  
পরলোকগত জন্মদাতা বাপ বাবু অনুচন্দ্র চাঙমা ও জন্মধাত্রী  
মা মিসেস দিনশোভা চাঙমার পূর্ণ স্মৃতি রক্ষার উদ্দেশ্যে  
এবং নির্ব্বাণ কামনায় এই “চাঙমা কথায় বুদ্ধ বন্দনা”  
বইবো তাঁরার করকমলে দান করিলুং ।

ইতি -

বাবু অরুনেন্দু চাঙমা

## চাঙমা কথায় বুদ্ধ বন্দনা

- ০১) জন্মে জন্মে ধার্মিক বুদ্ধ রেজ্য মুই পেদুং পুণ্যছাবাত্ তলে  
থেই পেদুং, চাঙমা কথায় বুদ্ধ বন্দনা গরিদুং ।
- ০২) চুল হাবিলুং মাধাত্তন, ঘচ্ছ্যা ঝারিলুং তাগাত্তন, ভগবান  
বুদ্ধইদু, ধর্মইদু, সংঘইদু কোটিগুণে ক্ষেমা চেন্যেয় আদু  
পারি দ্বি-আদু জুর গরি ঝুউ..... গরং জাগাত্তন । শ্রদ্ধেয়  
বনভান্তে ইদু কোটিগুণে ক্ষেমা চেন্যেয় আদুপারি দ্বি-  
আদু জুর গরি ঝুউ----- গরং মুই বৈদ্যাত্তন ।
- ০৩) বীজি লোলুং কৈদ্যাত্তন, সাঙুলামি পৈদ্যাত্তন, কোটিগুণে  
ক্ষেমা চেন্যেয়, ভগবান বুদ্ধইদু, ধর্মইদু, সংঘইদু,  
আদুপারি দ্বিআদু জুর গরি ঝুউ..... গরং মুই বৈদ্যাত্তন ।
- ০৪) গাড়ীত চাক্কা দিলুং জুগরি, বাত্তিবজেই দিন্যেয়, ধরেদিলুং  
সুরগরি, ভগবান বুদ্ধ ইদু, ধর্মইদু, সংঘইদু আদুপারি  
ঝুউ..... গরং দ্বি-আদু জুরগরি । শ্রদ্ধেয় বনভান্তে ইদু  
কোটিগুণে ক্ষেমা চেন্যেয়, আদুপারি ঝুউ.... গরং দ্বি-  
আদু জুরগরি ।
- ০৫) কাত্যা সুদ-অ তুম তারং, সুগুরী চাবেই মুম গরং,  
কোটিগুণে ক্ষেমা চেন্যেয়, ভগবান বুদ্ধইদু, ধর্মইদু,  
সংঘইদু, আদু-পারি দ্বি-আদু জুরগরি ঝুউ.....গরং ।
- ০৬) আদত্ পিনিলুং তাজ্জুরে, কানত্ পিনিলুং রাজ্জুরে  
বাত্তিবজেই দিন্যেয়, ধরে দিলুং সাতজুরে, কোটিগুণে  
ক্ষেমা চেন্যেয় ভগবান বুদ্ধ ইদু, ধর্মইদু, সংঘইদু আদুপারি  
ঝুউ.....গরং দ্বি-আদু জুরে ।
- ০৭) লাভেল দিয়েলী “ন’অ” টানি, বত্যা দুড়িলোই “ক’অ”  
বানি, বাজার বেড়েই “ব’অ” আনি, আদি-অনাদি ন-  
জানি, ও বাপ-ভেই, মা-বোন লক্ চন্দ্র-সূর্য্য কমলে

অয়য়েদে, আমি কিয়োজনে কইদ্ ন-পারি । কেয়াত  
বোয়ের বাজেত্তে, দিবা চোখেদি, বোয়েরান আমি ন-  
দেখি ।

০৮) আগা-গোড়া ঠিগ'অ নেই, চাঙমা কধান্দি বুদ্ধ বন্দনা  
জোরেইয়া, বোধিপাল ভান্তে তার ভুলান রোই যেইয়ে  
বোধিপাল ভান্তে নাঙান পেই, তে কমলে মরিব, মল্পে  
কুধু যেব, থে কোইধেত্তে তার ঠিগঅ নেই ।

০৯) ছাদি মাধাত্ দি বেড়েই পেইর, ভগবান বুদ্ধ বাজি এল,  
সেকেনে শাক্যবংশ মহানাম রাজা এলদে, আমি ইক্কিনে  
তে খবর পেইর ।

১০) গাড়ী চলের চাক্কান্দি, শাক্য বংশত্ পাপ অইয়ে, রোহিনী  
ছড়াত্ মেইল (বিষ) দিন্যেয়, মাছ মারিনেই পাপ  
অইয়েদে, ভগবান বুদ্ধ জনম-লবার আগেদি, ইয়ানি  
শুনিলে চাঙমাউনে কুধুক্কুনে বিশ্বাস কয়দে ন-গরি ।

১১) শাক্য বংশউন কাবিবাত্তেই বিরুঢ়ক রাজা শাক্য রেজ্জ্যাত্  
তে এই গেল, ভগবান বুদ্ধরে গাঙ কূলত্ বোই আগেদে  
দেগিল, বুদ্ধ জ্ঞাতি কূলেদি বাঝিব মনে মনে ভাবিল,  
ভগবান বুদ্ধরে ঝুউ..... গরিন্যেয় বিরুঢ়ক রাজা ঘরত্  
ফিরিতে গেল ।

১২) তে-কয়দিন পর বিরুঢ়ক রাজা শাক্যবংশউন কাবিবাত্তেই  
শাক্য রেজ্জ্যাত্ এই গেল, ভগবান বুদ্ধরে মরা গাছত্  
তলে বোই আঘেদে দেগিল, ভগবান বুদ্ধত্বন পুঝর  
গোরিল, ও ভান্তেই ঝুবুর গাছত্ তলে বোই ন খেনেই,  
কিন্ত্যাই মরা গাছত্ তলে বোই আগজ ।

ভগবান বুদ্ধ কোই দিল, জ্ঞাতি ছাবা দুক্ক্যান দাঙর ছাবা  
নেই, জ্ঞাতি ছাবাত্ জিরেই পায়, ঝুবুর গাছতলে থেলে

ঝড় এলে ভিজি পাই, এই কথানি শুনিয়ায় বিরুদ্ধক রাজা  
মনে মনে ভাবেত্তে ভগবান বুদ্ধ জ্ঞাতি ইন্দি বাজেত্তে,  
একধানি শুনিয়ায় তে ঘরত্ফরি যায় ।

১৩) বিরুদ্ধক রাজা বারে বারে কিত্তেই এইগেল, ভগবান বুদ্ধ  
সেই পৈদ্যানে চেবাত্তেই ধ্যানত্ বোই গেল । আগেন্দি  
মাছরে মেইল (বিষ) দিন্যেয় পাপ্পান রোই জিয়েদে ,  
সিয়ানত্তেই শাক্য বংশউন কাবান কেবাক্কে ধ্যানত্ বোই  
দেখিল । আর একদিন্যা বিরুদ্ধক রাজা শাক্য বংশউন  
কাবিবাত্তেই এইগেল, ভগবান বুদ্ধ সেক্কেনে জুর (চুপ)  
গরি রোইগেল ।

১৪) বিরুদ্ধক রাজা শাক্য রেজ্জ্যাত এন্যেয়, শাক্যবংশউন  
কাবিল, শাক্য- বংশউন কাবিন্যায় ঘরত্ ফিরি যাদে,  
গাঙকূলে রই পিয়ন, আগারেন্দি ঝড়দিন্যেয় রেদোত্ পানি  
বারিন্যেয় সৈন্যশুদ্ধ পানিয়ে ভাসেনিন্যায় বিরুদ্ধক রাজা  
মরিল ।

১৫) শাক্যবংশউনে কাবান খেন্যেয় কনে কুন্দি রোই জিয়েই,  
কনে কুন্দি ধেই ধেই জিয়েই ঠিগ'অ নেই । সেক্কেনে বুদ্ধ  
ধর্ম বিজ্ঞান আরেয়েই, লেগানি আরেয়েই, কথানিও  
আরেয়েই, এই কথানি শুনিলে চাক্‌মাউনে বিচ্ছেস কয়দে  
নদ যেই ।

১৬) ২১৮ সালদ্ অশোক রাজা তার একশত জ্ঞাতিবংশ  
কাবিনেই তে ভারদত্ রাজা উদিন্যেয়, অশোক রাজা  
যেক্কেনে জ্ঞাতিবংশউন কাবের, সেক্কে তা ভেয়্য মোক্ক  
রেদোত্ পরান বাজেই ন-পাত্তে ধেই যাদে, নিথোধবৃক্ষ  
তলে রোই পিয়ে, সিন্ধ্যা রেদোত্ তা ভেয়্য মোক্কত্বন  
পৌ'অ উয়ে । (নিথোধবৃক্ষ চাঙমা কথায় কাউলি  
বটগাছ) । সে গাচ্ছ্যতলে উয়ে কিন্যেয়, নিথোধ কুমার

নাঙ থোই দিলদে । তার পরেন্দি তাম্মা নিম্মো ধ কুমারর বয়স ঔইন্যেয় মোগ্গলী তিসস্য ভান্তেরে গজেই দিলদে । মোগ্গলী তিসস্য ভান্তে নিম্মো ধ কুমাররে ভান্তে বানেন্যেয় উপগুপ্ত ভান্তে নাঙ থোই দিল-দে । সে আগেন্দি অশোক রাজা, ভান্তে পেলৈ কাবিধ, উপগুপ্ত ভান্তেরে কাবিবান্তেই চিয়েদে, কাবি ন-পারিনেই, তা দরে (ভয়ে) অশোক রাজা বুদ্ধ ধর্ময়ান লোই পেলদে । তার মনান ফিরি জেন্যেয় চুরাশি আজার কিয়ং বানি দিল-দে । তার পরেন্দি তা ঝি সংঘমিত্রা আর তার পৌ'অ মহেন্দ্রেরে বুদ্ধ ধর্মইদু দান গোজ্জ্য-দে । তারা দ্বি-ভেই-বোনে সাধনা গরিনেই অজর-অমর অয়নধে । লঙ্কা দ্বীবদ্ জিয়নধে, সিদু কয়দে রোয়নধে । অশোক রাজা অসুখ অয়নেই, তা চাকরানীবো বীজন বিজি দেধে বিজনান লাগিনেই, রাগ উধিনেই, মরি যেনেই, সাপ অয়নেই জনমলোই পেয়েদে । তার পরেন্দি তার পৌ'অ মহেন্দ্র থের ধ্যানের বলে কোই পারিনেই তার বাপরে উদ্ধর গোচ্ছেয়ন-দে । বুদ্ধ ধর্ম বিজগ্ বইয়ত আমি পেই, ইক্কিনে কয় আজার বজর শেষ অয়গেল ইজাব গরি আমি চেই ।

১৭) ২৮১ সালত্ সেনগুপ্ত ভারদত্ রাজা উধিন্যায়, সেক্কেনেয়্য বুদ্ধ ধর্ম জান্তো কাবান থিয়েই । কাশ্মীরত জয়ন্ত বৌদ্ধ মন্দির ভাঙি দিন্যেয় শিব মন্দির বোঝেই দ্যোন্ । বুদ্ধ ধর্ম বিজ্জক বইয়ত আমি পেই, ইক্কিনে কয়শত বজর শেষ ঔইগেল ইজাব গরি আমি চেই ।

১৮) কুড়-গুগোর ডাগি আনিন্যেয় আধার খাদে খাদে ধরিন্যেয় কাবিন্যায় মেলা থেই, ও বাপ-ভেই, মা-বোনলক্ আমা বুদ্ধ ধর্মত্ ইয়েনি নেই । ইক্কিনে কোইপারিন্যায় এ পাপ্পানী যদি আমি ন-পেলেই তাহলে আমা চাঙমা জাভুয়ার দুগর সীমা নেই । কয় আজার বজর শেষ ঔইগেল, ঘিরাত পরি পরি আগিদে এজ আমি আমি মরি পেইর ।

১৯) ৫৫৯ সালত্ ভারতদ্ মিহিরকুল রাজা উধিন্যেয় সেক্কেয়্যু  
 আমা বুদ্ধ ধর্ম জাত্ভুয়া কাবান খেয়েই । রাজার আদেশে-  
 মোগ-লধে-মোজ কাবি, শুগর কাবি, কুড় কাবিন্যায় মদ-  
 ভাং যোগলে মেলা গরিপেই । শুগর শিরে পূজ্ত  
 গোজেনেই জু-জু গরিন্যেয় চুগলং গরিপেই । বিঝু ফিরিনে  
 নুয়া বজরত্ কুড় কাবিন্যায় মাধা ধোই পেই । বজরে  
 একপাল্লা কুড় শুগর ছাগল ধরিন্যেয় গাংকূলে নিনেই  
 ঘর তুলি কাবিন্যায় “থানমানা পূজ” গরিপেই । শুগর  
 কাবিন্যায় নুয়াভাত খেই পেই, কুড় কাবিন্যায় ধান ফাং  
 গরিপেই । ও বাব-ভেই মা বোন লক্ আমা বুদ্ধ ধর্মত  
 ইয়েনি নেই । ইক্কিনে কয়শত বজর শেষ ঔইগেল ইজাব  
 গরি আমি চেই ।

২০ । তারিখ‘অ নেই, শ্রদ্ধেয় বনভান্তেত্তুন তিনপাল্লা শ্রদ্ধেয়  
 তিলকানন্দ ভান্তেত্তুন একপাল্লা আমা বোধিপাল ভান্তে  
 শুল্ল্যেধে, কয়শত বজর আগেন্দি চাক্মাউনে অরহত ভান্তে  
 ন মানিন্যায় শুবিন্যেয় পাপ্পান অয়েদে, সেক্কেনে ক্ষেমা  
 মাগি ন-চেন্যেয় পাপ্পান রোয়েদে, খবর কয়দ্যা নদ পেয়,  
 ইয়েনি শুনিলে চাক্মাউনে বিশ্বেস বাদ্যা নদ যেই ।  
 ইক্কিনে কোই পারিন্যেয় অরহত ভান্তেত্তুন জাদি কূলে  
 পুচ্ছেধে পাপ্পান ক্ষেমা মাগি যদি ন’দ চেই ও বাব-ভেই,  
 মা-বোন লক্ কয় আজার বজর শেষ ঔইগেল, যিদু  
 যেদংসাদ্ ধেই ধেই পোল্লে পোল্লে আঘিদে আমি জাগা  
 কয়দ্যা ন’দ পেইর ।

২১ । ৬০৬ সালত্ শশাংক ভারদত্ রাজা উধিন্যায় সেক্কেনেয়্যু  
 বুদ্ধ ধর্ম জাত্ভুয়া কাবান খেয়েই । বুদ্ধ গয়াত বটগাচ্ছুয়া  
 কাবিনে, মাদি কুরিন্যেয় গাছ গরান তুলি ফেলেই দি-এ ।  
 জাগায় জাগায় বুদ্ধ ধর্ম মন্দিরউন ভাঙি দিন্যায় শিব মন্দির  
 বোজেই দি-এ । তা আমলত্তুন ধরিন্যায় মানুষ মরি গেলে



মোজ, শুগর, কুড় কাবিন্যায় সাতদিন্য়্য দিইপেই ।  
 সাতদিন্য়্য সির গেলে কুড় কাবিন্যায় মাধা ধোই পেই  
 আমা বুদ্ধ ধর্মত ইয়েনি নেই । সিত্যাই বিলিন্যেয় এই  
 পাপ কর্মফলে চাঙমাউনে ভেইয়ে-ভেইয়ে বারে-পুদে  
 কাবাকাবি মারামারি গরিন্যেয় এজ মরি যের । পরেন্দি  
 শশাংক রাজা ফারাঙি উধিন্যায় মরিযিয়ে বুদ্ধ ধর্ম বিজক  
 বইয়ত আমি পেই । ইক্কিনে কয় আজার বজর শেষ  
 ঔইগেল ইজাব গরি আমি চেই ।

২২ । ৬৩৮ সালত্ পুষ্যমিত্র ভারদত্ রাজা উধিন্যায় ।  
 সেক্কেনেয়্য আমা বুদ্ধ ধর্ম জাতুয়া কাবান থিয়েই, বুদ্ধ  
 ধর্ম বিজক্ বইয়ত আমি পেই । বুদ্ধ ধর্ময়ান আরেন্যেয়  
 শিবমেলা রজযাত্রাত যেই, সিন্দি (সত্যপ্রিয়পূজ) ‘শনি  
 পূজ’ আমি গরিতেই । ও বাপ-ভেই, মা-বোন লক্ আমা  
 বুদ্ধ ধর্মত ইয়েনি নেই । ইক্কিনে কয় আজার বজর শেষ  
 ঔইগেল ইজাব গরি আমি চেই ।

২৩ । ৬৭৭ সালত্ শংকরাচার্য ভারদত্ রাজা উধিন্যেয় তেয়্য  
 বুদ্ধ ধর্ম জাতুয়া কাপ্পে-দে । ভান্তেউন জিগুন লাগত  
 পেইয়ে সিগুন কাবিমারি শেষ গচ্ছে-দে । সেক্কেনে  
 ভান্তেউন দরে কাবর গুজদিন্যেয় ঝারত পোন্নে রোই  
 পেয়োউনদে, শেষেন্দি (যারা বাজি এলাক) তারায়্য ধরা  
 পরিন্যেয় হিন্দু সন্ন্যাসি কোইন্যায় লড়ি নাঙ দিনেই রোই  
 পিয়োউনদে । সিগুন ধরিন্যেয় লড়ি জন্ম অয় জিয়নদে ।  
 চাঙমাউনে লড়ি অইন্যায় বুদ্ধ ধর্ময়ান ধরি রাগেউন-দে ।  
 এই সে আমলত্বন ধরিন্যায় শংকরাচার্য রাজা চাঙমাউনরে  
 কোইদেধে বজর শেষ অয়যাদে এক সাপ্তা আগেত্বন  
 ধরিন্যায় ঘরে ঘরে মদ রানি ফুল তুলনি দিনত্বন ধরিন্যায়  
 মদ জগড়া খেই খেই ঘরে ঘরে বেড়ে বান্তেয় । পত্তি  
 বজর এ ধগে ধর্ম গরিবান্তেয় শংকরাচার্য রাজা

কোইদেধে । তুমি ভাবি ‘চ’ বাপ-ভেই, মা-বোন লক আমা  
বুদ্ধ ধর্মত “মদ ভাং খানা” ইয়েনি নেই । শংকরাচার্য  
রাজা জন্মে জন্মে আমারে তলেদি পরি, পাগলং-নাধরং,  
ভুল-বেদমা পাপী গরি রাগে বাস্ত্যেই-এ বুদ্ধিয়ান  
গচ্ছেদে । বুদ্ধ ধর্ম বিজক্ বইয়ত আমি পেই ।

২৪) ৯৯৮ সালত্ তুর্কী সুলতান ভারদত্ রাজা উধিন্যেয়  
সেকেনেয়্যু আমা বুদ্ধ ধর্ম জাতুয়া কাবান খেয়েই । নালন্দা  
বিশ্ব বিদ্যালয়ত কয় আজার কয়শত ভান্তে কাবান খিয়ন,  
ইজেব আমি নদ পেয় । নালন্দা বিশ্ববিদ্যালয়ত ধর্ম বইউন  
পুড়িয়াদে এক সাপ্তা লাক্যেদে বুদ্ধ ধর্ম বিজগ বইয়ত  
আমি পেই ।

২৫) ১০৬৩ সালত্ কলক রাজা ভারদত্ রাজা উধিন্যেয়  
সেকেনেয়্যু আমা বুদ্ধ ধর্ম জাতুয়া কাবান খেয়েই । বুদ্ধধর্ম  
বিজগ বইয়ত আমি পেই, কলক রাজা আমলতুন ধরিন্যেয়  
আষাঢ় মাঝ্ সাত তারিগত “আলপালনী” দিন আমি পালে  
পেই । নুয় জুম টোন-পাত তোগেনেই কুড়কাবিন্যেয়  
“মালক্ষীমারে” ভাত দিন্যেয় আমি থেই ও বাপ-ভেই,  
মা বোন লক্ আমা বুদ্ধ ধর্মত ইয়েনি নেই, ইক্কিনে কয়  
আজার বজর শেষ ঔইগেল ইজেব গরি আমি চেই ।

২৬) ১০৮৯ সালত্ হর্ষবর্ধন ভারতদ্ রাজা উধিন্যেয় তেয়্যু  
বুদ্ধ ধর্ম জাতুয়া কাবিমারি জিয়ে, তার পরেন্দি তেয়্যু বুদ্ধ  
ধর্ম লোইনেই মরি জিয়েদে, বুদ্ধ ধর্ম বিজগ বইয়ত আমি  
পেই । ইক্কিনে কয় আজার বজর শেষ ঔই গেল ইজেব  
গরি আমি চেই ।

২৭) ১১৫৮ সালত্ বল্লালসেন ভারদত্ রাজা উধিন্যেয় তেয়্যু  
বুদ্ধ ধর্ম জাতুরে কাপ্পেদে, তার সময়ত নেপাল, ভূটান

আসাম, ব্ৰহ্মদেশ, আৱাকান দেৱত্ হিন্দু ধৰ্ম প্ৰচাৰ  
গচ্ছেদে, বুদ্ধধৰ্ম বিজগ্ বইয়ত আমি ইয়েনি পেই।  
আসামত শিব সাগৰ নাঙে এককান জাগা আগেদে, সে  
জাগা ৰাজাবো বুদ্ধ ধৰ্ম এ্যাৰ্দ্দে তা-নাঙান আমি নদ  
পেই। ইক্কিনে সে জাগানত ভাঙা ৰাজ-বাড়ি আগেদে,  
দ্বিবা চোগেন্দি আমি দেখি থেই। আসামীউনে কন্ ৰাজাৰ  
আমলত বুদ্ধধৰ্ম আৱেয়োন খবৰ কয়দ্যা আমি নদ পেই,  
আগেন্দি আসামী উনে নাক বুন্ত্ৰেং এলাক, ইক্কিনে তাৱা  
হিন্দু ধৰ্ম লোইপেনেই নাক চুচ্ছেং অয়াদন্দে দ্বিবা  
চোগেন্দি দেগি তেই।

২৮) ১২০৪ সালত বখতিয়াৰ খলজি ভাৱদত্ ৰাজা উধিনেই,  
সেক্কেনেয়্য আমা বুদ্ধধৰ্ম জাত্ৰো কাবান খেয়েই। ভাৱদত্  
বাঙলাদেজত বুদ্ধধৰ্ম জাত্ৰো যিউন বাজি আগি ও বাপ-  
ভেই, মা বোন লক তাৱা দুক্ষ্যান পাপী নেই। বুদ্ধ ধৰ্ময়ান  
আৱেনেই কনে কুনদি চিনি ৰোইয়েই, খবৰ কয়দ্যা, নদ  
পেই, ধৰ্ময়ান আৱেনেই নাক চুচ্ছেং সমাৱে পুড়িন্যেয়  
ইক্কিনে বেৰ্ দুগক্কানী আমি পেইৱ।

২৯) ১২০৬ সালত্ কুতুবদ্দিন ভাৱদত্ ৰাজা উধিন্যেয়,  
সেক্কেনেয়্য আমা বুদ্ধ ধৰ্ম জাত্ৰুয়া কাবান খেয়েই। বুদ্ধ  
ধৰ্ময়ান আৱেণ্যেয় চাঙমা জাত্ৰুয়া ধুক্ষ্যান দুঃখ্যা জাদি  
পিখিমিত নেই। মা পেদভিদিৱে জাগা পেই, পিখিমি  
বুগত পৱিন্যেয় আমাত্ৰুন জাগা নেই ও বাপ-ভেই, মা-  
বোন লক চাঙমা জাত্ৰুয়া ধুক্ষ্যান পাপী নেই। ইক্কিনে কয়  
শত বজৰ শেষ ঔইগেল, ইজেব গৱি আমি চেই।

৩০) সুধৰ্মা ৰাজা ভাৱদত্ ৰাজা উধিন্যেয়, সেক্কেনেয়্য বুদ্ধ ধৰ্ম  
জাত্ৰুয়া কাবান খেয়েই, বুদ্ধধৰ্ম বিজগ বইয়ত্ আমি পেই,  
ইক্কিনে সন তাৱিখ দি-ন-পাৱিৱ আমি কয়দ্যা আৱেয়েই।

সে আগে সে পরে কয়পল্লা কাবান খেয় পেয়েই, ও বাপ-ভেই, মা-বোন লক ইক্কিনে কয়শত পিড়ী শেষ অইগেল, ইজেব আমি নদ পেয় । তেরবো রাজাতুন বুদ্ধ ধর্ম জাতুয়া কাবান খেয় পিয়োন্দে, বুদ্ধ ধর্ম বিজগ বইয়ত আমি পেই । সেক্কেতুন ধরিন্যেয় আমার কপাল গম নয়দে, ও বাপ-ভেই, মা-বোন লক মুড়-মড়ি, ঘোনা-গুনি চেরেও ভাঙা ভাঙা ঘরানিত ও এজ কয়দ্যা আমি তেই ন-পেইর ।

৩১) তথাগত ভগবান বুদ্ধ বৈশালী আদামত যিয়েদে সিন্যা দিন্ন মাঘী পূর্ণিমা এল-দে, বুদ্ধ বৈশাখী পূর্ণিমাত্ কুশীনগরত যেনেই মরিব বিলিনেই কোই দিল-দে । ফাগুণ পূর্ণিমাত বুদ্ধ তাঁর জ্ঞাতি বংশ ডাগিন্যায় কোই দিল-দে মান্‌জ্জ্যারে ন-ঠগেবার, কুজ্জ বাজেনেই হেনা বানি মনত্ ন-রাগেবার একত্তর গরি বেক্কুনে, মিলি থেবাত্তেই । বুদ্ধ আর কোই যিয়েদে-মা বাপ জ্ঞাতি গত্তি মরি গেলেম্মু কুড় গুগর ছাগল কাবিনেই সাত দিন্না ন-দি বাত্তেই কোইয়েদে । আঙস্যে (অমাবস্যা) পূর্ণিমায় প্রাণী হত্যা ন-গরিন্যায়, সত্যধর্ময়ান ধরি রাগেবাত্তেই কোই যিয়েদে । ও বাপ-ভেই, মা-বোন লক ইয়েনি কলে চাঙমাউনে বিচ্ছেস নদ যেই ।

৩২) ভগবান বুদ্ধ বাজি এলদে, সিত্তুন ধরিন্যেয় কাবান খেই এজিত্তেই দুগন্ধান এজ ন-ফুরেই, ১৯৯৪ সালত্ শ্রদ্ধেয় বন ভাত্তেরে পুঝর গরন্দে, কাবান খেত্তেই পাপ্পান, আমি কিয়ে ন-ফুরের? বন ভাত্তে কোই দেত্তে, ভগবান বুদ্ধ কোইদি জিয়েদে কধানি ন ধরিন্যেয় আমি থেই, ও বাপ-ভেই, মা-বোন লক দুগ পেই পেই থেই পেইর, অয়নে নয় ভাবী আমি নদ চেই । আমা চাঙমাউনে বনভাত্তে কোই দেত্তে কধানি বিচ্ছেস কয়দ্যা আমি নদ যেইর ।

৩৩) ইক্কিনে শ্রদ্ধেয় বোধিপাল ভাণ্ডে কোইদেত্তে, মেলা গত্তে শুগর, ছাগল, কুড়কাবিন্যেয় মোকলোত্তেই পাপ্পানি যদি আমি ন-পেলেই, জন্মে জন্মে জাদিকূলে পাপ্পানি থেইয়েব, ইয়েনি ন-পেলের কিন্যায় আমাত্তুন দুগর সীমা নেই। আর মা, বাপ, ভেই, বন্ধু মরি গেলে শুগর, ছাগল, কুড়কাবিন্যেয় সাতদিন্ণা দি-দিত্তেই, আমা বুদ্ধ ধর্মত ইয়েনি নেই, ধর্ম নাঙে পাপ্পানি গরিত্তেই, ও বাব-ভেই, মা বোন লক ইয়েনি অয়নে নয় আমি ভাবি চেই। তব্বুণীসেনে গঙ্গারাম বাঁশ কাবা-য়েনেই রেদোত আগাশালত যেনেই, ন-চিনি্যেয় ছত্তা পাদালোই পুন পুজিন্যায়, সে জ্বালা যন্তনায় রেদে-দিনে তার কয়দ্যা ঘুমও নেই। আমা চাঙমাউনে ‘অ শুগর, ছাগল, কুড়কাবিন্যেয় ধর্ম গরি-এজিত্তেই, তব্বুণীসেন ছত্তা পাদালোই পুন পুচ্ছেদে দুক্ক্যান গরি-এজিত্তেই, ও বাপ-ভেই মা-বোন লক ইক্কিনে আমি ও তব্বুণী সেন দুক্ক্যান, জন্মে জন্মে দুগ পেই এজিত্তেই অয়নে নয় আমি কয়দ্যা ভাবি চেই।

৩৪) হিন্দু, মুসলমান তারা জাদি কূলেত্তুন আজার আজার বজর আগেত্তুন ধরিন্যায়, ধ্যানী, জ্ঞানী, মুনি, ফগির আগন্দে আমি দ্বিবা চোগেন্দি দেগি থেই। শ্যামত, বার্মাত শ্রীলংকাত তারা জাদি কূলেত্তুন আজার আজার বজর আগেত্তুন ধরিন্যেয় ঝারত আদামত শহরত, ধ্যানী, জ্ঞানী, সাধনা ভাবনা গরিয়া ভাণ্ডেউন পল্লাট পল্লাট আগন্দে আমি দ্বিবা চোগেন্দি দেগি থেই। তারাত্তুন পল্লাট পল্লাট এভাণ্ডেউন আগন কিন্যায় এ পূন্যফলে রেজ্জ্য ঠিগি আগেন্দে দ্বিবা চোগেন্দি আমি দেগি থেই। আমাত্তুন পল্লাট পল্লাট ঝারত আদামত শহরত ধ্যানী জ্ঞানী অরহত ভাণ্ডে নেই কিন্যায় আমাত্তুন জাগা নেই, ও বাপ-ভেই, মা-বোন লক পল্লাট পল্লাট জাদিকূলেত্তুন এ ভাণ্ডেউন যদি

নদ পেই, পানি বান অইয়া পিগিরে চাগ্ দুক্ক্যান ভাজি  
(ভেসে) যেত্তেই আমার দুগর কয়দ্যা সীমা নেই ।

৩৫) লাখ-লাখ মিলা-মরদ আগি আমাতুন বিচ্ছেস নেই । ইলে-  
ইলে বিলেবলি আগিদে, ইজেব আমি নদ পেই । বুদ্ধ  
ধর্ম জ্ঞান বুদ্ধি নেই কিন্যায়, ভগবান বুদ্ধতুন, অরহৎ  
ভান্তেতুন জাগা পেনেই, ঠিগি থেবার এই বরানি আমি  
কনজনমত মাগি নদ চেই ।

৩৬) লুম্বিনী, জেতবন, বারানসী, কুশীনগর, বেণুবন, নালন্দা,  
রাজগিরি, বুদ্ধগয়া, কলকাতা, রংপুর দিনাজপুর,  
ময়মনসিং, ঢাকা, সিলেট, কুমিল্লা আ চাদিগাং, দ্বি-আজার  
বজর আগেন্দি এলং এই জাগানিত, ধেই এত্তে এত্তে  
ময়মনসিং, সিলেট, কুমিল্লা, গারো, চাঙমা সিনি রোই  
জিয়ন পিঝেন্দি, সেকেনে গারো চাঙমা ফরক অই যেনেই,  
ইক্কিনে তারা কখানি আমি ন বুঝি, ইয়েনি চাঙমাউনে  
শুনিলে বিচ্ছেস আমি ন-গরি ।

৩৭) রাজশাহী শম্ভুনাথ কিয়ং ঢাকা সাভার কিয়ং, ঢাকা কুশীপুর  
কিয়ং, কুমিল্লা, রূপবান কিয়ং, কুমিল্লা, শালবন কিয়ং,  
চাদিগাং পণ্ডিত কিয়ং, দিনাজপুর জগতদল কিয়ং, রংপুর  
বিক্রমপুর কিয়ং, পাহাড়পুর কিয়ং, যশোহর বায়ন ভারত  
কিয়ং, কয় আজার বজর আগেন্দি বুদ্ধধর্ম জাতুয়া কাবান  
খেইন্যায় ছাড়ি এ্যাইপিয়েই সে জাগা কিয়ঙানী, পরান  
বাজে ন-পাত্তে ধর্ময়ান আরে পিয়েই আমি এ্যাঙরি  
(এমনভাবে), দশসান কিয়ঙতুন ভাঙা চড়া গরি পেত্তেই  
ইক্কিনে রাজশাহী শম্ভুনাথ কিয়ং, শালবান কিয়ং, কুমিল্লা  
রূপবান কিয়ঙানী ও বাব-ভেই, মা-বোন লক সন তারিখ  
বিজ্ঞান আরেয়েই, দি-ন পারির আমি ঠিগ গরি ।

৩৩) ইন্ধিনে শ্রদ্ধেয় বোধিপাল ভাণ্ডে কোইদেত্তে, মেলা গত্তে শুগর, ছাগল, কুড়কাবিন্যেয় মোকলোত্তেই পাপ্পানি যদি আমি ন-পেলেই, জন্মে জন্মে জাদিকূলে পাপ্পানি থেইয়েব, ইয়েনি ন-পেলের কিন্যায় আমাত্তুন দুগর সীমা নেই। আর মা, বাপ, ভেই, বন্ধু মরি গেলে শুগর, ছাগল, কুড়কাবিন্যেয় সাতদিন্ণা দি-দিত্তেই, আমা বুদ্ধ ধর্মত ইয়েনি নেই, ধর্ম নাঙে পাপ্পানি গরিত্তেই, ও বাব-ভেই, মা বোন লক ইয়েনি অয়নে নয় আমি ভাবি চেই। তব্বুণীসেনে গঙ্গারাম বাঁশ কাবা-যেনেই রেদোত আগাশালত যেনেই, ন-চিনিব্বেয় ছত্তা পাদালোই পুন পুজিন্যায়, সে জ্বালা যন্তনায় রেদে-দিনে তার কয়দ্যা ঘুমও নেই। আমা চাঙমাউনে ‘অ শুগর, ছাগল, কুড়কাবিন্যেয় ধর্ম গরি-এজিত্তেই, তব্বুণীসেন ছত্তা পাদালোই পুন পুচ্ছ্যেদে দুক্ক্যান গরি-এজিত্তেই, ও বাপ-ভেই মা-বোন লক ইন্ধিনে আমি ও তব্বুণী সেন দুক্ক্যান, জন্মে জন্মে দুগ পেই এজিত্তেই অয়নে নয় আমি কয়দ্যা ভাবি চেই।

৩৪) হিন্দু, মুসলমান তারা জাদি কূলেত্তুন আজার আজার বজর আগেত্তুন ধরিন্যায়, ধ্যানী, জ্ঞানী, মুনি, ফগির আগন্দে আমি দ্বিবা চোগেন্দি দেগি থেই। শ্যামত, বার্মাত শ্রীলংকাত তারা জাদি কূলেত্তুন আজার আজার বজর আগেত্তুন ধরিন্যেয় ঝারত আদামত শহরত, ধ্যানী, জ্ঞানী, সাধনা ভাবনা গরিয়া ভাণ্ডেউন পল্লাট পল্লাট আগন্দে আমি দ্বিবা চোগেন্দি দেগি থেই। তারাত্তুন পল্লাট পল্লাট এভাণ্ডেউন আগন কিন্যায় এ পূন্যফলে রেজ্জ্য ঠিগি আগেন্দে দ্বিবা চোগেন্দি আমি দেগি থেই। আমাত্তুন পল্লাট পল্লাট ঝারত আদামত শহরত ধ্যানী জ্ঞানী অরহত ভাণ্ডে নেই কিন্যায় আমাত্তুন জাগা নেই, ও বাপ-ভেই, মা-বোন লক পল্লাট পল্লাট জাদিকূলেত্তুন এ ভাণ্ডেউন যদি



নদ পেই, পানি বান অইয়া পিগিরে চাগ্ দুক্ক্যান ভাজি  
(ভেসে) যেতেই আমার দুগর কয়দ্যা সীমা নেই ।

৩৫) লাখ-লাখ মিলা-মরদ আগি আমাতুন বিচ্ছেস নেই । ইলে-  
ইলে বিলেবলে আগিদে, ইজেব আমি নদ পেই । বুদ্ধ  
ধর্ম জ্ঞান বুদ্ধি নেই কিন্যায়, ভগবান বুদ্ধতুন, অরহৎ  
ভান্তেতুন জাগা পেনেই, ঠিগি থেবার এই বরানি আমি  
কনজনমত মাগি নদ চেই ।

৩৬) লুশ্বিনী, জেতবন, বারানসী, কুশীনগর, বেণুবন, নালন্দা,  
রাজগিরি, বুদ্ধগয়া, কলকাতা, রংপুর দিনাজপুর,  
ময়মনসিং, ঢাকা, সিলেট, কুমিল্লা আ চাদিগাং, দ্বি-আজার  
বজর আগেন্দি এলং এই জাগানিত, ধেই এন্তে এন্তে  
ময়মনসিং, সিলেট, কুমিল্লা, গারো, চাঙমা সিনি রোই  
জিয়ন পিঝেন্দি, সেক্কেনে গারো চাঙমা ফরক অই যেনেই,  
ইক্কিনে তারা কধানি আমি ন বুঝি, ইয়েনি চাঙমাউনে  
শুনিলে বিচ্ছেস আমি ন-গরি ।

৩৭) রাজশাহী শম্ভুনাথ কিয়ং ঢাকা সাভার কিয়ং, ঢাকা কুশীপুর  
কিয়ং, কুমিল্লা, রূপবান কিয়ং, কুমিল্লা, শালবন কিয়ং,  
চাদিগাং পণ্ডিত কিয়ং, দিনাজপুর জগতদল কিয়ং, রংপুর  
বিক্রমপুর কিয়ং, পাহাড়পুর কিয়ং, যশোহর বায়ন ভারত  
কিয়ং, কয় আজার বজর আগেন্দি বুদ্ধধর্ম জাতুয়া কাবান  
খেইন্যায় ছাড়ি এ্যইপিয়েই সে জাগা কিয়ঙানী, পরান  
বাজে ন-পান্তে ধর্ময়ান আরে পিয়েই আমি এ্যাঙরি  
(এমনভাবে), দশসান কিয়ঙতুন ভাঙা চড়া গরি পেতেই  
ইক্কিনে রাজশাহী শম্ভুনাথ কিয়ং, শালবান কিয়ং, কুমিল্লা  
রূপবান কিয়ঙানী ও বাব-ভেই, মা-বোন লক সন তারিখ  
বিজ্ঞান আরেয়েই, দি-ন পারির আমি ঠিগ গরি ।



ঐতিহ্যবাহী শালবন কিয়ঙর ধ্বংসাবশেষ, ইয়ান কুমিল্লা জেলাত অবস্থিত।



শালবান কিয়ঙর ধ্বংসাবশেষ এর কিছু অংশ।



রাপবান কিয়ঙর ধ্বংসাবশেষ, কুমিল্লা জেলাত অবস্থিত ।

পাহাড়পুর বৌদ্ধ বিহারের ধ্বংসাবশেষ, এর চতুর পার্শ্বে রয়েছে ১৭৭টি রুমের  
চিহ্ন, স্থির চিত্র ধারনে ভদ্রজী স্থবির ১২/২/২০০০ইং



পাহাড়পুর বৌদ্ধ বিহারের ধ্বংসাবশেষ বাংলাদেশের নওগাঁ জেলায় অবস্থিত । এই  
বৌদ্ধ বিহারটি কত সালে ধ্বংস হয়েছে সঠিকভাবে জানা যায় নাই ।

৩৮) ধেইযাদে আসামত “ফাগিয়েল” নাঙ দিনেই সিনিরোই জিয়েই একধাগি, চীন ধুজি, বার্মা ধুজি, ভারত ধুজি বিজয় নগর নাঙে এক্কাণ জাগা আগেদে “লিঝু” জাত নাঙ দিনেই সিদু সিনি রোই জিয়েই একধাগি । বার্মাত ঐরাবতী ছড়াত “খাচ্ছেঙ” জাত নাঙ দিনেই সিনি রোই জিয়েই একধাগি । কধানী বদলী যেনেই ন বুঝিনেই আমি থেই ও বাব-ভেই, মা-বোন লক কমলে কুদু কুদু সিনি রোই জিয়েই, সন তারিখ বিজ্ঞান আয়েই দিন-ন- পারির কয়দ্যা ঠিগ গরি ।

৩৯) বেলা তান্তানি ঘুজিঙেই, মরিচ বাদিনেই তুলিঙেই কয়শত বজর শেষ অইগেল, আমাতুন পূন্যকর্ম ফল নেই কিন্যায়, লরানকিয়া বান্দর ঝাক্ দুক্ক্যান গরি ধেই ধেই পোল্লে পোল্লেই এজ ঘুরিঙেই ও বাপ ভাই, মা-বোন লক যিদু যেদং ষাত আমি জাগা ন-পেঙেই ।

৪০) চাঙমা রাজা অরুনজুগ আমলত্ আরাকাত আরাকানত্ থেদ, সেক্কেনে বার্মা রাজা তা-ঝিবো দেগেনেই, চাঙমা রাজা ঘরত পরেয়ে ঝি বৌ দেধে, চাঙমা রাজা রেদোত দুলি নাজাধে বার্মা রাজা রেদোত চুরগরি সৈন্যলোই এনেই অরুন জুগ রাজারে ধরিনেই কাবিমারি শেষ গজ্জে । সেক্কেনে ঝারত গেলে বাঘে খায়, ঘরত তলে মগে পাই এই দরান ঔইয়ে বেজগরি, মগকুনে কান্ত মরিজ্যা ভোরেনেই টানি নেজান বেজ গরি । জিগুন বাজি এলঙ কনে কুনদি ধেই এই পিয়েই দেজ ছাড়ি । ও বাপ-ভেই, মা-বোন লক সন তারিখ বিজ্ঞান আয়েই, আমি ইক্কুনি-ন পারির কয়দ্যা ঠিগ গরি ।

৪১) সেচ্ছেনা গাঝর বেলা কাব, আরাকাতুন ধেই এই পেলং রামু, কল্পবাজার, উকিয়া, লীলা আর এলং টেকনাফ ।

টেকনাফতুন ধেই এই পেলং বান্দরবান, আলীকদম, চকরিয়া, দুর্লহাজারা, বাঁশখালী, মহেলখালী আর ধেই এই পেলং শিলগত । গাঝ বাঁশ কাবির রিজাবত, ইক্কিনে কয়শত পিড়ি শেষ ঔইগেল, ধেই ধেই পোন্নে পোন্নেই আগিদে, ও বাপ-ভেই, মা-বোন লক্ বিজক্কান আয়েয়েই দি-ন-পারির আমি ইজাবত ।

৪২) আগেন্দি মা-বোনুনে বুগত বানিদাগ ফুলতুল্যা রাঙা খাদিয়ান আর মাখাত বানিদাগ ধুব হবঙান, চাক্তাই, সন্তরঘাট, কালুরঘাট, আগেন্দি এল চাক্‌মাউনর এই জাগানি বড়া-আদামান, ও বাপ-ভেই, মা-বোনলক চাক্‌মাউনে ধেইয়েনেই নাঙ বোঝেই দিলাক চাদি গাং বাজারান ।

৪৩) গাঝ তারুমত দগন্তন অগলক, উত্তরে-দুগিনে, পুগে-পচ্ছিমে মুর দেগা নেই, আগেন্দি এই জাগানিত থেদাগ বড়চলক, ও বাপ-ভেই মা-বোন লক আগেন্দি এই জাগানি চাঙমাউনর বড় আদাম এল, চাঙমাউনে কদং বড়কলক ।

৪৪) ১৫৫৭ সালত্ জল্লাল খাঁ বাপপ্পো চাঙমা এল তা নাঙান আমি নদ পেই, জল্লাল খাঁ বাপপ্পোর শৌরবো (শশুর) মসুলমান এল তা নাঙানও আমি নদ পেই । জল্লাল খাঁ বাপপ্পো মোকলধে তা শৌরবো (শশুর) ইদু সত্য গরি পেয়েদে-তাতুন পৌ-ঝি অলে জলাল খাঁ নাঙ থোই দিবে, তর প্রজাউন দেবান, তালুকদার, খীসা নাঙ থোই দিনেই আদাম মবুক্কী বানেবে । ও বাব-ভেই, মা-বোন লক আগেন্দি চাঙমাউনতুন এ নাঙানি নদ এ্যাল, তা আমলত পরিন্যেয়, চাঙমাউনে গদে গদে রাজা অইন্যেয় জোল অইতেই । চাক্‌মাউন কুজ্জে বাজনেই কাবাকাবি গরিন্যেয় জন্মে জন্মে চাঙমাউনে তলেন্দি পরি-তেপেবাণ্ডেই এ-বুদ্ধিয়ান গোচ্ছেধে, সিত্যাই বিলিনেই তা-ঝিবো রাজা ইদু বৌ দেধে ।

৪৫) ছাগলে টানি খাদন সুমিগিল, বড় আদামতুন ধেই ধেই  
এই পেলং রাউজান, হাটাজারী, সীতাকুন্ড, ফটিকছড়ি,  
সোনাইছড়ি আর ধেই এই পেলং ও বাব-ভেই, মা-  
বোনলক গুমিবিল। গুমিবিলতুন ধেই এই পেলং চন্দ্রঘোনা,  
রানীহাট, ইচ্ছামতি, কাউখালী আর কয়দ্যা বগাবিল।

৪৬) ১৮৪৪ সালদে কালিন্দী রানী আমলত বুদ্ধধর্ম জ্ঞানান নদ  
এ্যাল, সেকেনে কুজ্জ বাজেনেই একত্তর আবাতেই  
চিয়েদেয়, একত্তর ঔই ন-পরি, পারক ঔই যিয়েই  
সেকেনে পারক অয়ন্যেয় কালিন্দী রানী আ দেওয়ান পাটি  
দ্বি-ভাগে ভাগ ঔইন্যেয় ছগী বাজে দেদি গরিন্যেয়-১  
নম্বর লোগাং ২ নম্বর পূজগাং, ৩ নম্বর খাগড়াছড়ি, ৪  
নম্বর নান্যাচর, বুড়োমিলা, বুড়ো মরদ, দোলন অ পৌ,  
পিদিলি মিলা আদাড় গুড় কুদুকুন কাবান খেনেই মরি  
যিয়েই খবর কয়দে নদ পেই। ও বাব-ভেই, মা-বোনলক  
সে আগেতুন ধরিন্যায় দিবে-এ গরি মানুষ আগি, আমি  
আমি কাবাকাবি গরি মরিয়েনেই কদক কমি যেইর, খবর  
কয়দ্যা নদ পেই।

৪৭) ১৮৪৪ সালত লুইন সায়াবে কোইদি জিয়েদে, আজার  
আজার বজর আগেতুন ধরি চাঙমাউনে বুদ্ধ ধর্মজান  
আরেনেই, ইক্কিনে তারাতুন কনধর্ম কয়দ্যা ঠিগ নেই,  
চাঙমাউনে বুদ্ধ ধর্ম নানু হলান-দে, নাঙে আগন কামে  
নেই। যা মনে জিয়ান কয়, সে ধর্ময়ান লোইথের, ও  
বাপ-ভেই, মা-বোনলক একধানি অয়নে নয় একানা আমি  
ভাবিচেই। আমাতুন ধর্ম ঠিগ নেই কিনেই, হুড় গুগর  
কাবিন্যেয় মেলা খেই। গুগর শিরে চুগলঙ পূজত  
গোজেনেই, সালাম গরিপেই, এই কর্মফলে জন্মে জন্মে  
দুগক্কানি আমি পের। গবু এয়ারা, বান্দর এয়ারা, শিয়াল  
এয়ারা, বেলেই এয়ারা, কুত্তর এয়ারা এই বেগ এয়ারানী  
উরিং এয়ারা কোইন্যায় বেজি খেই, ও বাপ-ভেই, মা-  
বোন লক আমি কদক বরবাদ জিয়েই, একানা গরি আমি

ভাবি চেই । ইয়েনি হলে চাঙমাউনে ইক্কুনে বেজার পেই ।

৪৮) পানি তুলির কলেন্দি, গাছ টানির বলেন্দি কয়শত বজর শেষ ঔই গেল, বুদ্ধ ধর্ম আরেনেই, পরেয়ে কধানি ধরিন্যায়, জাত-ভেই হিংসা থেই যার, জন্মে জন্মে থেই পেইর আমি তলেন্দি, ও বাপ-ভেই, মা-বোন লক পরান বাজেবং আমি হিঙরি ।

৪৯) ১৯৪৭ সালত্ ১৪ই আগষ্ট পাকিস্তান সরান (স্বাধীন) ঔইনেই, কুজ্জে বাজেনেই কামানী দেবান, নলীনাক্ষ এককিত্তেন্দী (একদিকে), গণেশ্বর দেবান, স্নেহকুমার চাঙমা, ইন্দ্রমণি দারগা তারা এককিত্তেন্দী ভাগ ঔই জিয়ন । পরেন্দি তারা ন জিনিন্যেয় টিবিরা রেজ্জ্যত ধেই পিয়ন । কালিন্দী রানী আমলতুন ধরিন্যেয় কুজ্জে বাজে বাজেই এজিত্তেই, বাপে-পুদে ভেইয়ে ভেইয়ে কুজ্জে বাজেনেই এজমরি য়েপেত্তেই । এজ আমাতুন কয়দ্যা আক্কল নেই ।

৫০) ফারতদড়ি বানিন্যায়, গলাকাবি টানিনেই, ১৯৬০ সালত্ কাণ্ডেই গদা বানিনেই, জাগা জমিন ডুবিন্যায়, রেদে দিনে ভাবিলং ঘন ঘন ভন নিজেস ফেলেলং, চোগ পানি ফেনেলং কাজলং মেইনি, চেণ্ডেই আ ফেণীতুম বলে বলে ধেই পেলং । সিদু'অ থেয় কয়দ্যা ন-পেলং, সাজেক, তৈজং, থেগা নেপা পরান বাজে ন-পাণ্ডে য়েই পেলং । সিদু'অ আদিউনে ন-রাঘাদন, সাজেক তৈজং থেগাত ও কুকিউনে ন-রাঘাদন । গাঝ-বাঁশ শনানি-য়ো ফুরেলং জুময়ানিও ফুরেলং, ইক্কিনে ভাবিন্যায় উধনেই । পরান বাজেবার জাগা নেই, ও বাপ-ভেই মা-বোন লক পূণ্য ছাড়া আমাতুন উপায় নেই ।

৫১) পুরণী বুড়ো-বুড়ী মরুব্বীউনে পৌ-ছা উনরে লেগা পড়া ন শেখেয়, ভুল-বেদমা গরি আমি চাবি রাগেয়েই, লালদিঘী, সত্তরঘাট, কালুঘাট, গুমিবিল, চন্দ্রঘোনা,



ফটিকছড়ি, সোনাইছড়ি, কাউখালী, রাজানগর, রাংগুনিয়া, বগাবিল, ঘাগড়া, সীতাকুন্ড এই বেগ জাগানি পূন্য ফল নেই কিন্যায় আমি আরয়েই । ও বাপ-ভেই, মা-বোনলক পুরণী বুড়ো-বুড়ীউনরে আমি দোষ ধরিতেই, ইক্কিনে লেগা-পড়া শিগিনেই আমি জ্ঞানী, হোলেইধে, ভেইয়ে ভেইয়ে কাবা কাবি মারামারি গরি মরি যেন্তোই, আমি ভাবী কয়দ্যা নদ চেই ।

৫২) ও বাপ-ভেই, মা-বোনলক আমা চাক্‌মাউনে কি অয়েই ইক্কিনে পৌ'অ ছা, মিলা-মরদ, মদ ভাঙ হিরোইন খেই, মানা গরিলে রাগ উদিনে আমি থেই, এই কর্মফলে ভুল বেদমা অয়নেই ভারী কয়দ্যা ঝোল অয়য়েই । চাঙমা দোকানতুন বাকী খেই, টেঙা মাগিলে বেজার পেই ও বাপ-ভেই, মা-বোনলক জ্ঞাতিভেই, জাত ভেই গরীব গরি তেবান্তোই এই কামানি আমি কয়দ্যা গরিতেই । খাজাত বানিতোয়ে কাঙারা দোন্ধেন গরি আগিদেয় ভাবী কয়দ্যা নদ চেই ।

৫৩) সায়াব (বিদেশী) জাদিউন ভগবান বুদ্ধ কথানি বিচ্ছেয়স গরি ধরি রোই জিয়োন, সত্যয়ান রাগেনেই গরিব সেবা, দান পারমী গরি এজ রোইজিয়োন । এই পুণ্যের ফলে লক্ষ লক্ষ কোটি কোটি জ্ঞানী, ধনী ধার্মিক তেনেই জাতধর্ম, দোলগরি ঠিগি রাগেউন, সারা পীথ্বীমী মানজ্যে তারারে এজ দরে পাদন । গরীব কাম গরিয়েউনরে বাজিবান্তোই বেজগরি বেতন দেদন । কন্ কন্ রেজ্যেত গরিব কাম গরিয়েউনরে বেতন কম দিনেই রাগাদন, সাত তালা চৌদ্দ তালা বিল্ডিত আগন্দে, তারাই গরীবউনরে দয়া ন গরন্দে ।

৫৪) ফ্রান্সতুন একজন সায়াব ভারদত্‌ বাংলাদেজত বেড়ে বান্তোই ইচ্ছেধে, বেড়াদে বেড়াদে কালকাতাত লুংঙগধে, তে বাঙলা দেজত সাততালা ঘরত একদাগি আগন্দে

দেখক্কেধে, আর একদাগি থেই ন-পেনেই পদে পদে পরি  
আগন্দে দেখক্কেধে । ভারদত্ বাঙলাদেজত দেখক্কেধে,  
আগেধে মানুষ্যনতুন গরীবউনর নাঙে দয়া নেই । আমা  
দেজত গরীব থাগয়ে বাজিবাত্তোই বেক্কুনরে সমান গরি  
আমি দয়া গরি থেই ।

৫৫) ১৯৭১ সালত্ ১৬ই ডিসেম্বর বাংলাদেজসান সরান  
(স্বাধীন) ঔইনেই, চাক্মাউন কুজ্জ্যা বাজেনেই,  
সেক্কেনেয়্যু দ্বি-ভাগে আমি ভাগ অয়জিয়েই । ইয়েনি আমি  
পল্লাত পল্লাট ধরি রাগেয়েই । এই পাপর কর্মফলে ধার্মিক  
জ্ঞানী ধ্যানী জাদিকুলেতুন ন-পেইর কিন্যায় এজ আমি  
ফেলাফেলি গরি মরি যের । ইয়েনি শুনিলে আমি বেজার  
পেই, জেদাবাধে (জীবন্ত অবস্থায়) নরগত আগিধে  
একজনেও ভাবি নদ চেই ।

৫৬) ১৯৪৯ সালত্ পাকিস্তান আমলত চাক্মা ভান্তে নদ এ্যাল,  
১৯৭১ সালত্ ১৬ই ডিসেম্বর বাঙলা দেজসান ছড়ান  
অয়নেই, চাঙমা ভান্তে দ্বি-এক জন দেখি থেই ।  
ভান্তেউনতুন মনত ন-পড়ে দায়ক্কুনরে, দায়ক্কুনতুন মনত  
ন পড়ে ভান্তে উনরে ইয়েনি কোইন্যায় আমি থেই । থাগয়ে  
অবার আমি বেক্কুনে চেই, গরীব অবার আমি কন জনে  
নদ চেই, জাগিনে ঘুম ছলধরি আমি থেই, ও বাপ-ভেই,  
মা-বোন লক আমা নিজ দুষসানি আমি ভাবি নদ চেই ।

৫৭) আমি যিদু যেদং সাদ্ চন্দ্র সূর্য যা উজু চেই, তা উজু  
দেখি থেই সুমেধ তাপস-এ দীপংকর বুদ্ধতুন বর মাগি  
ন্যায় গৌতম বুদ্ধ উয়েদে আমি খবর পেই । লাখ লাখ  
মিলা' মরদ আগি আমাতুন বিচেছ্যস নেই কিন্যায়  
কনজনমত ভগবান বুদ্ধতুন, অরহৎ ভান্তেতুন বেলান-  
জুনান যেধক দিন থাই, জাগা পেনেই ঠিগি থেবার এই  
বরানি আমি নদ চেই ।

৫৮) কুদুকুন মা-বোন বুনো-কাদা আরে যেইর, আমাতুন রেজ্জ্য নেই কিন্যেয় পোরেয়ে পোশাকই খুজী থেই, নিজ জাদর পোশাক্কানী আরেয়ের গয়াত শাড়ি পিনি গেলে, বিদেশী মানুসচুনে চাঙমা মিলাউনরে ন-চিনন। যে পিনোন পিনি গয়াত যার বিদেশী মানুষ্যউনে ফটো তুলি নেজাধন, তারাই জাতধর্ম চিহ্ন রাগাধন। ও বাপ-ভেই, মা-বোন লক পোরেয়ে পোশাক্কই আমি গয়াত যেই, আমা নিজ জাত্তোরে আমি নিজে ঘিনে থেই ভাবী কয়দ্যা নদচের। ইয়েনি শুনিলেও কুদুকুনে আমি বেজার পেই। মগ মিলাউনে ঝারত যাদোক, শহরত যাদোক কিয়ঙত যাদোক, গয়াত যাদোক চাকুরী গোত্তোক তারা পোষাক্কানী ধরি আগন, আদি যাদে সেই পোশাক্কানী পিন্বে দেগিলে মান্জ্জ্য কন্দে মগ মিলে যাদন।

৫৯) বুদ্ধ ধর্ম কমলেত্তুন ধরি আরেয়েই ঠিগনেই, ইক্কিনে আদামে আদামে কিয়ং গজ্জই কন্ কন্ জাগাত কিয়ঙ টেঙ্যা ভাঙি থেই ইজাবত ধল্বে বেজার পেই। এই কর্মফলে জন্মে জন্মে গরীবকূলে থেইও পেইর ও বাপ-ভেই, মা-বোন লক ইয়েনি শুনিলে আমি কুদুকুনে বেজার পেই। কিয়ং তুললে পোরেয়ে আঝায় আমি থেই সরকারত্তুন টেঙ্যা মাগি মাগি আমি আক্কেং অইয়েই। নিজে কিয়ং তুললে পোরেয়েত্তুন টেঙ্যা মাগধে আমি ন-লাজেই। ও বাপ-ভেই, মা-বোন লক অনাথ পিভিক-এ কিয়ং বানন্দে রসিদ বই ছাবেন্যেয় টেঙ্যা মাগধে বুদ্ধ ধর্ম বইয়ত আমি নদ পেই, ইক্কিনে কিয়ং তুললে রসিদ বই ছাবেন্যায় টেঙ্যা মাগি আমি থেই।

৬০) আজার আজার মানজ্জ চাঙুরী গরিন্যায় আমি ভাত থেই পেই, ও বাপ-ভেই, মা-বোন লক কপাল গম নয়দ্যা বেগ চিগন চাঙুরিয়ানি আমি পেই, ধর্মত য়েবার মনে হলেও অমাবস্যা-পূর্ণিমায় ছুটি কয়দ্যা আমি নদ পেই,

দেগা-দেগি গরিন্যায় কয় আজার মানজ্জে টিভিলোয়েই ইজাব আমি নদ পেই, টিভি লোইনে গরীবউন নাঙে খরচ বাচ্ছেধে (বৃদ্ধি) ইজাব গরি আমি নদ চেই। কুগিউনে বেকুনে মিলিনে সমিতি বানিন্যায় ব্যাংকত টেঙ্যা জমা রাগেয়োনন্দে আমি শুনিতেই। চাঙমাউনতুন বুদ্ধ ধর্ম জ্ঞানান নেই, বিচ্ছেস নেই কিন্যায় সমিতি বানিন্যেয় টেঙ্যা জমা রাগেলে একদাগিয়ে ভাঙি খেয় এই সত্যমান নেই কিন্যায় আমাতুন একতা নেই।

৬১) ইক্কিনে কুদুকুন মান্জ্জে চাঙমা কখালোই গীত গেলে, লাজে তেই, নিজ কধানী নিজে আরেয়েই নিজ কখালোই নিজে গীত গেলে কুদুকুনে আমি ফেচ্ (নিন্দা) গরি থেই ও বাব-ভেই-মা-বোন লক ইক্কিনে নিজ লেগানি অ আরেয়েই, কখানি'অ আরে যের পোরেয়ে ঘজালোই রেডিওট গীত গেই পেইর আদাম্ ভান্তে উনতুন চেতনা নেই কিন্যায় কিয়ঙত পৌ-ছা ডাগিন্যেয় চাঙমা লেখানি ন-শেগেয়। ইয়েনি ভান্তেউনে ভাবী কয়দ্যা নদ-চের।

৬২) মৌ-পুক ন-থেলে মধু নেই, চাঙমা জাদতুন দানশীল ভাবনা বিচ্ছেস নেই, এই পূণ্য কর্মফলানি নেই কিন্যায় অবিচ্ছেসী উল্লো মানুষসুন জাতিকূলে জন্মে জন্মে আমি পেই। মা-পেদ ভিদিরে জাগা পেই পিত্তিমি বুগত পুরিন্যায় পাপর ফলে আমাতুন জাগা নেই।

৬৩) মাবুয়ারী জাতোতুন রেজ্য নেই, তারা ভগবান বুদ্ধ কোইদি জিয়েদে কখানি বিচ্ছেস গরি ধরি আগন্দে দ্বিবা চোগেন্দি দিগি থেই এই দান ধর্ম পূর্ণকর্মফলে কোটি কোটি ধনী অয়নে একতা গরি এজ থিগি আগন্দে, ও বাপ-ভেই, মা-বোন লক্ যাতুন দান-ধর্ম বিচ্ছেস নেই এই কধানী শুনিলে তারা বেজার পেইতান্দে।

৬৪) দেবাসীষ রায়ের শ্রদ্ধেয় বনভান্তে মানা গুচ্ছেদে, হর শগর, ছাগল, কাবিন্যায় মেলা ন-গরিবান্তেই কোইয়েধে দেবাসীষ রায়ে ভান্তে কধান ন-গুনিন্যায় বুদ্ধধর্ময়ান ন-মানিন্যায় হুড়, শগর, কাবিন্যায় মেলা কয়দ্যা গচ্ছেধে । মবুকীউনে গল্পে প্রজাউনেও গরি পেই ও বাপ-ভেই, মা-বোন লক শঙ্করাচার্য আমলতুন ধরিন্যায় বুদ্ধধর্মত নেই-দে ইয়েনি গরি পেইর, এই পাপ কর্মফলে চাক্‌মাউনে দিন দিন তলেন্দি পরি যেত্তেই একজনেও ভাবী কয়দ্যা নদ চেই ।

৬৫) গামারী ঢালা বন বিহারত ৩০শে আগষ্ট '৯৯ইং রোজ সোমবার রাত ৭ টায় (১) করুণা তিসস্য শ্রমণে ময়দ্যা লগে, নছিনিন্যায় মজাদারু মেজেই দি-রাগেয়ে । তারপরে মঙ্গলবারে বিন্ধ্যা ৫টায় (২) আনন্দ শ্রমণে সে ময়দ্যায়ান মলিন্যায় তেলবরা বানেয়ে । তেল বরা বানেই বিন্ধ্যা ৬টায় আনন্দ শ্রমণ আ করুণা তিসস্য শ্রমণে তারা দ্বি-জনে হিয়োন । তার পরেদি আনন্দ শ্রমণে ঝাজি দিন্যায় (৩) শীলচার শ্রমণ আর (৪) করুণা তিসস্য শ্রমণে [ইয়োত উল্লেখ আগেদে যে-কিয়ঙত করুণা তিসস্য নাঙে দুইজন শ্রমণ থেদাগ] তারাও হিয়োন । সে মজাদারু মেজেয়ে গমডলা খেন্যায় বিন্ধ্যা ১০টায় তারা চেরজন শ্রমণে উগলী পিয়ন আর লামী পিয়োন । তারপরে ও তারারে সিদিন্যা ১টায় খাগড়াছড়ি হাসপাতালট নেজেনেই, চিকিৎসাধীন অবস্থায় পাচঁদিন রোয় পিয়োন । রবিবারে ৩টায় তারা গামারী ঢালা কিয়ঙত ফিরি এই পাচ্ছন । নছিনিন্যায়, মজাদারু মেজেয়ে গমডলা খেন্যায়, গোদা আদাম্যা মানুসচুনে ভারী গরি দুগ পিয়ন ।

চাঙমাউনেও নছিনিন্যায় নবুঝিন্যায় জন্মে জন্মে পূণ্য মনে গরিন্যায় মানুষ মরি গেলে কুড় শগর, ছাগল কাবিন্যায় সাতদিন্যা দি-থেই । মোক-লধে কুড়, শগর, ছাগল কাবিন্যায় মেলা খেই বজরে এক পল্লা “থানমানা পুজ” গরি থেই, ইয়েনিও গামারী ঢালা কিয়ঙত শ্রমণোণে

নছিনিন্যায় ময়দ্যা সমারে মজাদারু মেজেয়ে গমডলা  
হিয়োন্নে ধুক্ক্যান-গোদা চাঙমা জাদিউনে কয়দ্যা দুক্ক্যান  
ভোগী পেইর । এধুক্ক্যা গরি জন্নে জন্নে পূণ্য জাগাত  
পাপ গুরি এজিভেই চাঙমাউনে হিয়োজনে খবর কয়দ্যা  
নদ পেইর ।

৬৬) গামারী ঢালাতুন দক্ষিরামেও তা ঘর ছরে পূণ্য পেবার  
আজায় নছিনিন্যায় বটগাছ মনে গরিন্যায় পাকজ্জ্যা গাঝ  
চারা ইক্কো লাগেয়ে, তে মরি যেন্যায়, গাচ্ছো ডাঙর  
ঔইন্যায়, তা পুয়া-ছাউনে দরে কয়দ্যা থেই ন-পাত্তন  
ভারী কয়দ্যা দুগ উয়ে । এধুক্ক্যান গরি চাঙমাউনও কোই  
ন-পারিন্যায় কুর শুগর, ছাগল কাবি পূণ্য মনে গরি পাপ  
গুরিভেই, দক্ষিরামে ন-ছিনিন্যায় পাকজ্জ্যা গাচ্ছো ধুক্ক্যান  
ধর্ম গরি এজিভেই ।

## রহিম উদ্দিনর কথা

৬৭) রহিম উদ্দিনে কোই দেত্তে আজার আজার বজর আগেত্তুন ধুরিন্যায় চাঙমাউনে বুদ্ধ ধর্ম আরেন্যায় জোল অইয়োন । তারাত্তুন ধর্ম ঠিক নেই । মোকলদে এক নম্বর পাপ্পান গুরি পান্দে । কুড়, গুগর, ছাগল কাবিনেই মোক লোই পান্দে । তারা বুদ্ধ ধর্মত ইয়ানি নেই । এই পাপ কামানি গত্তন হিন্যায় জাত ভেই শজ্জ-তে যাত্তে খবর ন-পান্দে । রহিম বজ্জ, সালাউদ্দিন মুসলিম মিয়া সামসুর রহমান তারায়্যেরহিম উদ্দিনত্তুন গুনিনেই ইয়ানি কো-হি গত্তন্দে । এই কর্মফলে ধ্যান সাধনা গুরিয়া ধার্মিক মানুষ জাদিকুলত্তুন-ন-পাদন্দে । আজার আজার বজর শেষ ওই গেল, এই কর্মফলে ভেইয়ে ভেইয়ে ফেলাফেলি গুরি এজ মরি যে পাদন্দে । দিব্যা গুরি মানুষ আগন হদক হুমি যাদন খবর-ন পাদন্দে । যদি এই পাপ্পানি ফেলেই ন দোন, কোদি কোদি বজর শেষ ওই গেলেয়ে জাগা পেরদাক নয় । যিদু যেদাগ সাদ্ ধেই ধেই পোল্লে পোল্লেই গরিব গুরি থেই পেভাগ । ইয়ানি আমি কই দির হিনেই চাঙমাউনে বেজার পেই যাদন্দে । আর্ পাপ গরদন্দে চামিনি অলেগোইরং কাপড় ফেলেনেই ঘরত গেলে কুড় কাবিনেই, চুগলং গুরি পান্দোই । তারা বুদ্ধ ধর্মত ইয়ানি নেই । আমা মুসলিম ধর্মত আগেদে-গরু ছাগল কুড় কাবিনেই কুর্বান গল্লে ভারিগুরি আমার পূর্ণ্য অয় । প্রাণী হত্যা গুরি হিন্যায় তারা আমারে পাপি কন্দে । আমি যদি পাপি অই আমাত্তুন শদে শদে রেজ্য আগে, আজার আজার ফগির মনি-ঋষি আগি, কোদি কোদি মিলে-মরদ ধার্মিক আগি । আমা দেজত্তুন তেল ন-পেলে প্লেন, জাহাজ, গাড়ি সারা পিখিমীদ ন-চলে । তারা যদি ধার্মিক অলে তারাত্তুন হিয়া পরান বাজেবার জাগা নেই । শুক্কুরবার দিন্নো এলে আমা মুসলমানউনে গরু, ছাগল, কুড় ন-হাবন । আমা মুসলমানউনে মাজে চেরবো দিন প্রাণী হত্যা ন গরিনেই ধর্ম সত্যয়ান রাগেয়েই । এই কর্মফলে আমি রেজ্য পেনেই ঠিগি আগি । তারাত্তুন সত্য ধর্ম ঠিক নেই হিনেই আমাবশ্যা পূর্ণিমা, দিব্যা দিন ও-ন পালান । বৈশাখী পূর্ণিমা দিন্নো এলে, ওয়া ভাঙদে, ওয়া দত্তে, বজরা মাদাদ তিন্নো দিন ও-ন-পালান । আমার ধর্মত



আগেদে-গরু, ছাগল কুড় কাবি মোক ললে ভারিগুরি আমার পুণ্য অয় । তারা বুদ্ধ ধর্মত আগেদে প্রাণী হত্যা গুরিনেই ধর্ম গরিলে পাপ ভারি অয় । তারার কপাল পুরেতে মানুষ মরিলে গুগর, ছাগল, কুড়, কাবিনে সাদিন্যা দি-দোন্দে । সাদিন্যা ছিড় গেলে কুড় কাবিনেই মাধা দোন্দে । তারা বুদ্ধ ধর্মত ইয়ানি নেই । ইয়ানি কই দির হিনেই ভারিগুরি চাঙমাউনে বেজার পাদন্দে । তারা যদি ধার্মিক অলে তারাতুন কিয়া রেজ্যা নেই, ধেই ধেই পোন্নে পোন্নেই উদ নেই, পরান বাজেববার জাগানেই, লেগানিও নেই । ইয়ানি রহিম উদ্দিনে কই দের হিনেই চাঙমাউনে বেজার পাদন্দে । কুগিউনে দিবাগুরি মানুষ আগন, বিশ্বাস গুরি ধর্ময়ান মান্নন্দে, রবিবার দিনো এলে বেঙ্কুনে মিলিনেই গীর্জাত যান্দে । এই সত্যয়ান ধুরি রাগোউন হিনেই জাগা পেনেই সুগে ঠিগি আগন্দে । চাঙমাউনর গিরোজ ভাগবান বুদ্ধ, তারাতুন ধর্ম ঠিগ নেই হিনেই ভগবান বুদ্ধ হোই-দি জিয়েদে ইয়ানি ন-দরন্দে । হদক দুগ পাদন-ভাবী ন-চাদন্দে । এই কর্মফলে ধ্যান সাধনা গুরিয়া “ভাঙে” জারদ, আদামদ, শহরত জাদি কুলেতুন-ন-পাদন্দে । আর মোষ, গরুলোই আল চুগেই হেনেই পরান বাজাদন্দে, গরুউন বুড়ো অলে আল চুগেই-ন-পাল্লে বিজি হাদন্দে । মোষ গরু মল্লে মাদিদ্ গারেলৈ চিত্তুন তুলি আনিনেই-এক দাগিয়ে এড়া নিলোই মদ হাজি হাদন্দে । তারার বুদ্ধ ধর্মত ইয়ানি নেই । বুদ্ধ ধর্মত নেইদে ইয়ানি উল্লোগুরি গন্তন্দে । যাতুন আগে তারা পোর হুনিনেই মাছ ইরি দেদন্দে আর গরবা এলে অমাবশ্যা, পুর্গিমা দিনও-ন-লাগে ফোরতুন মাছ তুলিনে-কুড় কাবিনেই ভাত হাবাদন্দে । একদিনও সত্য ধর্ময়ান-ন-রাগাদন্দে ।

কুড়, গুগর, ছাগল কাবিনে নোয়া ভাত হাদন্দে, ধান ফাং গন্তন্দে থান্মানা গন্তন্দে শিবমেলা ফেলাদন্দে, রত যাত্রাদ ও যাদন্দে, সিন্দি গরদন্দে, আজার বজর আগেতুন ধরিনেই বুদ্ধ ধর্ম নাঙ দিনেই বেক পর ধর্ময়ানি গুরি এন্তন্দে । আমি বাঙালুনে ইয়ানি হোই দির হিন্যায় চাঙমাউনে আমারে বেজার পাদন্দে ।

## শ্রদ্ধেয় বনভান্তের ভাষণ

৬৮) ১৯৯৬ইং ১৪ই জুলাই বনভান্তের দেশনা সভায় এক হিন্দু ভদ্রলোক এসে বনভান্তেকে জিজ্ঞাসা করেন ভান্তে, আমাদের কবে দুঃখ মোচন হইবে ? বনভান্তে বলিলেন

চক্ষুমুদি অবিরাম জঁপে শুধু হরিনাম  
কামসুখে ভোগে মত্ত যার ।  
সত্যভাব যতদিন না উদিবে তবমনে  
তব দুঃখ হবে না মোচন ।  
নাই জীবে ভাই ভাই হিংসা ঘ্বেষ শুধু তায়  
ত্রিলক্ষণ নাই যার জ্ঞান ।  
অন্তরেতে অহঙ্কার মুখে শুধু হরি নাম যার  
কিছুতেই নাই তার ত্রাণ ।  
ইহা বুঝিয়া ভদ্রলোক চলিয়া গেলেন ।

৬৯) শ্রদ্ধেয় বনভান্তের এককান প্রমানর কথা

১৯৮৬ সাল্‌ত নিজ জাগাত পরান বাজেই নপান্তে ভারদত  
টিবিরে রেজ্জ্যত চাঙমাউনে ধেই যেন্যায় আশ্রয় লোয়ান্দোই ।  
সিদু চাঙমাউনে জাগায় জাগায় ভাগ অইন্যায় রোই পিয়োন্দোই ।  
ভারত সরকারে লাম্বা ঘর তুলিনেই, তারারে ভাগ ভাগ গরি  
রাগেইয়ে । সেকেনে সিদু থুদীমা নাঙে একুয়া বুড়ো মিলে এল,  
তে এককান সিগন ঘর তুলিনেই বনভান্তের ফটোবো বিশ্বাস  
গরি সেবা পূজা গন্ত । পাঁচ বজর পরে ১৯৯০ সাল্‌ত ফোইলান্দি  
একদিন্যা চৌত মাস্যা দিন্ত আণ্ডন বাজি বেক লাম্বা ঘরানি  
পুড়ি জিয়ে, সে সমারে হিন্দু মন্দির একুয়া পুড়ি জিয়ে । কিন্তু  
বনভান্তে ফটোবো যে ঘরান্‌ত এল সে ঘরান আণ্ডনে লেভেয়ে  
কিন্তু ঘরান আ ফটোবো পুড়ি নয়ায়-ইয়ান্‌ যদবদে প্রমাণ  
ঔইয়েদে । ইয়েনি গুনিলে কুদুকুনে বিচ্ছেষ নদ যেই ।

মা-বাপ মুরি গেলে যাত্নন আগে পূণ্যের উদ্দেশ্যে স্মৃতি মন্দির তুলি দোন। কোই-ন পারন কিনেই দিনে রেদে পূণ্য পায়দে কামান, মা-বাবর উদ্দেশ্যে পদ পাজারাত পানি পাইপ গারেনেই, দানগরি নদোন। চাঙমাউনে ইয়ানি দান গরি পারে-দে কোই ন-পারন কিন্যায়, যাত্নন আগে থে কন্ জনমত এই দানানি ন-গরন। কোটি কোটি মানজ্যে পানি হেনেই, পরান জুরান। হরান দিলে যেন মাদি তব্ ন থায়, গাব্-গাব্বারা, হেদ-কেত্তী পানি ন-পেলে মরি যায়। পানি ন-থেলে ভাত টোনও রানী ন-পায়, গাদিও ন-পায় পানি খেই ন-পেলে মুরি পাই। কাবর-চৌবরও ধোই ন-পাই, ধানও লাগে ন-পাই, পাগা ঘড়ও বানী ন-পাই, পানি ন-থেলে গাড়িও চালি ন-পায়। পদ পাজারাত গাড়ি ষ্টেশন্ত পানি পাইপ গারে নেই, যে গরে পানি দান তথাগত ভগবান বুদ্ধ কোইদি যিয়েদে, তার অয়দে দিনপত্তি দান। দিনে রেদে পেব থে পূণ্যআন। আর পদ কাবিন্যায়, রেগা, পুল বানিন্যেই যে গরি যায় দান, এই দানর ফলে লাখ, লাখ, কোটি, কোটি মানজ্যে দিনে রেদে সুগে আদি যান। তথাগত ভগবান বুদ্ধ কোইদি যিয়েদে, তেয়্যু পেব-দে দিনে রেদে পূণ্যয়ান। যে গরে ইস্কুল দান, ক্যয়ং মন্দির দান আর গরীব মানজ্যেরে যে গড়ে দাবুদান, পরীক্ষা দি-নপাত্তন, পুঁয়া-ছারে যে গড়ে সাহায্যে অর্থদান,-তথাগত ভগবান বুদ্ধ কোইদি যিয়েদে-তেয়ো অবদে জন্মে জন্মে জ্ঞানী বুদ্ধিমান। এ সমারে ভাত পানি কাবর-চোপর জাগা জমি এই বেক দানানি গুরিলে, শীল পালেলে, ধ্যান সাধনা গুরিলে, তথাগত ভগবান বুদ্ধ কোইদি যিয়েদে, এই পূণ্য কর্মফলে রাজ্ কুলত জন্মেনেই, লক্ষ, লক্ষ, কোটি, কোটি, মানজ্যে তারে মানী পান। যাত্নন বিশ্বাস নেই এই দানর কধানী শুনিলে ভারি গুরি বেজার পান। সাব জাদিউনে এই দানানি গুরি থান। এই দানর ফলে ধার্মিক বুদ্ধিমান ধনী অইনে সারা পিখিমী মাঞ্জ্যে তারারে ডোরে পান। তারা রেজ্জ্যত চাগরী লদে ঘুষ-দি ন-পান। দাঙর রাজ

কর্মচারিউনে ঘুষ ন হান । চাঙমাউতুন এই দানর পুণ্য কর্ম ফলানি নেই কিনেই আজার আজার বঝর শেঝ্ ওই গেল, চাঙমাউনে যিধু যেদাক্ সাত্ জাগা আরেনেই ধেই ধেই পোল্লেই পোল্লেই গরীব গরি থেই অ পান । দীন, দুঃখী, পথিক, কাঙ্গাল পানি খাবে পারে যেধক লাখ, লাখ, কোটি, কোটি জনতুন শদে শদে আজার আজার আশীর্বাদ তে পেব' ।

“সংসারত বেঙ্কুন সুখী ওদোক”

৭১) ভগবান বুদ্ধ ধর্ম সংঘ অরহত ভান্তেতুন বর মাগানা নমো তসস ভগবতো অরহতো সম্মা সম্বুদ্ধস্স (৩ বার) ।

১) শ্রদ্ধেয় ভান্তে, কয়শত বজর আগেন্দি অরহত ভান্তেরে অসম্মানী, অশ্রদ্ধা গরিন্যায় ন-মানিন্যায়, গোবিন্যায় পাপ্পান অইয়েদে, ক্ষেমা-ন-চেনেই জাদিকূলে পাপ্পান রইয়েদে, ইক্কিনে কোই-পারিন্যায় আগেন্দি জমা রোইয়েদে পাপ্পান ফুরেবাত্তেই, মিলা মরদে বেঙ্কুনে মিলিন্যায় অষ্ঠ-পরিষ্কার দান গরিন্যায় কোটিগুনে ক্ষেমা চেই । ধার্মিক রাজা কর্মচারী জন্মে জন্মে জাদিকূলে পে-থেদং । আপদ-বিপদ নেই গরি চীবর দানর ফলে পাপ্পান ক্ষয় যেনেই সুগে শান্তিয়ে বেঙ্কুনে একত্তরগরি থেই পেদং, জন্মে জন্মে আপদ-বিপদ লাগত্ ন-পেদং । অঘাটে অপদে ধেই-ধেই, পোল্লে-পোল্লে, কাবান খেই-খেই, কোন জনমত আমি মরি ন-পেদং । এ কঠিন চীবর দানর ফলে নির্বাণ ন-পেই পর্যন্ত পল্লাট পল্লাট জাদি কূলে অরহত্ ভান্তে পেনেই, জন্মে জন্মে জ্ঞান বুদ্ধি আমি কন্‌জনমত ন আরেদং ।

২) শ্রদ্ধেয় ভান্তে, আজার আজার বজর আগেতুন ধরিন্যায় আমাতুন রেজ্জ্য নেই, দান, ধর্ম, শীল, ভাবনা রাগেবার আমাতুন জাগানেই । ধেই, ধেই, পোল্লে-পোল্লে, আমাতুন উদ নেই । ইক্কিনে গাচ্ছরে যেন্ পাগ্‌জ্জ্য বেরেনেই মরিযিয়ে, আমি ও ঠিক সিদ্ধিক্কা বেঙ্কুনে মরি যে-র । আমাতুন পরান বাজেবার, জাগা নেই ।

৩) শ্রদ্ধেয় ভাত্তে, জাদ ভেইয়ে কাবাকাবি গরি আমি এজ মরি  
 য়ের । এই চীবর দানর ফলে এই পাপ্পান ফুরেন্যায় সত্য  
 ধর্ম জ্ঞানান বেঙ্কুনে আমি পেনেই পল্লাট পল্লাট ন-আরেদং ।  
 লাখ-লাখ, কোটি, কোটি মিলা-মরদ, ধ্যানী-জ্ঞানী, ধার্মিক  
 জন্মে জন্মে জাদিকূলে পেনেই, ঠিগি থেই পান্তং কন-  
 জনমত অধার্মিক অবিশ্বাসি মানুষ জাদিকূলেত্তুন আমি ন-  
 পেদং, জন্মে জন্মে ধার্মিক মানুষ আত্ম-বিশ্বাসি  
 জাদিকূলেত্তুন আমি পেই থেদং । আমা জাদিকূলেত্তুন  
 সুশিক্ষিত ডাঙর-ডাঙর জ্ঞানী, বিজ্ঞানী পণ্ডিত, দার্শনিক,  
 ডাক্তার পেনেই, উনিশ কোটি মিলা-মরদ ধার্মিক থেনেই,  
 কোটি কোটি ধন-সম্পত্তি থেনেই শিল্প-বাণিজ্য থেনেই,  
 য়েদক দিন বেলান জুনান থাই, এই সংঘ দানর ফলে জাগা  
 পেনেই আমি ঠিগি থেই পান্তং । ও ভাত্তে, যদি ভুল অয়  
 মিলা-মরদ বেঙ্কুনে মিলিন্যায় কোটিগুনে আমি ক্ষেমা চেই ।

৪) শ্রদ্ধেয় ভাত্তে, কয় আজার বজর আগেন্দি চাঙমা লেগানি  
 আমি আয়েই, এই চীবর দানর ফলে চাঙমা লেগানি  
 য়েদক দিন বেলান জুনান থাই, টেঙ্যা বানেই টেঙ্যা  
 লেগানি আমি দিপারি এই বরানি আমি চেই ।

৫) শ্রদ্ধেয় ভাত্তে, এপিও চীবর দানর ফলে আজার আজার  
 লাখ লাখ ধ্যানী জ্ঞানী ভাত্তে ঝারত, আদামত, শহরত,  
 জাদিকূলেত্তুন এভাত্তেউন পেই থেদং । কোটি কোটি  
 জনশক্তি, ধনশক্তি, ভাত্তের দয়াশক্তি বলে বুদ্ধ ধর্ম মানিয়ে  
 ধনীদেবেদাউনত্তুন বল চেন্যায় দক্ষিণে বা, পশ্চিমে পু-  
 বঙ্গ, উত্তরে চী, পুগেদি বা মা, দুজি দিনেই এ চীবর দানর  
 ফলে য়েদক দিন চন্দ্র সূর্য থাই, জাগা পেনেই আমি ঠিগি  
 থেই পান্তং । ও ভাত্তে, মাগিঙেই বরানী ন-আজিনেই য়েন  
 আমি পেই । (তিনবার ভাত্তেত্তুন বর মাগানা)

বিঃ দ্রঃ বরমাগদে ফুল্ প্লেট, চীবর-সাবেক, আরহ্ অন্যান্য  
দানীয় জিনিস মাদাথ্ লইনে বর মাগা পরিব । বর মাগানা শেষ  
অলে তিনবার সাধুবাদ দিনেই দানীয় জিনিস্ সানি গজেই দিয়া  
পরিব ।

### চাঙমা কধায় ফুল পুজ

নানান জাদর দোল ফুলুন্দোই পুজঙর বুদ্ধরে  
আদুপারি আদজুর গরি ঝু-ঝুউ গরং তরে ।  
ন-জানঙর ভক্তি গরি অ-হবাল্যা মুই ।  
কিঙরি পুজিম ও ভগবান ন-জানঙর মুই ।  
ভুল মানুষ মুই আনোং ফুলুন তুলি,  
পুজি বাত্তোই বুদ্ধরে ছজি মনে গরি ।  
জম্মে জম্মে ন-বুঝিন্যায় কধক পাপঙরি ইচ্ছেং মুই,  
এই ফুলর দানর-ফলে ও ভগবান ক্ষেমা চাঙর মুই ।  
আদুপারি আদজুর গরি বর মাগঙর মুই ।  
ভারি বুড়ো অয়নে চাত্যে ন-পাজ্জ্যা গরিনেই,  
লাম্বা আয়ু ন-উদুং মুই  
চিগনকালে, গাঙুর্ কালে পিড়ে পরিনেই,  
কন জনমত ন-মত্তুং মুই ।  
এই ফুলের দানর ফলে জোগাজ্জ্যা আয়ু পেনেই,  
সুগে মরি পাত্তুং ।  
ও ভগবান বুদ্ধ অমর ন-অং পর্যন্ত,  
জম্মে জম্মে বুদ্ধ ধর্ম রেজ্জ্য মুই পিদুং ।  
ধার্মিক রাজা, ধার্মিক মা-বাপ  
ধার্মিক সমাজ্জ্যা মুই পিদুং ।  
টেঙ্যা বানেন্যেয় চাঙমা লেগানি, টেঙ্যাত মুই দিপাত্তুং  
যেদক দিন বেলান জুনান থাই,

এই ফুলর দানর ফলে জাগা পেনেই ঠিগি থেই পাত্ৰুং ।  
তিন-ভুবনত যিদুক্কুন প্রাণী আগন ।  
এই ভাষানি বেঙ্কানি মুই বুঝি দুং  
আগ জনমত কি এলুং এই খবরানি বেঙ্কানি মুই পিদুং  
ধ্যান বলে জ্ঞান পেনেই এক বৈদ্যাত্তুন,  
জ্ঞান কানেন্দি শুনিদুং, জ্ঞান চোগেন্দি বেঙ্কানি দেগিদুং ।  
অমর ন-পাং পর্যন্ত কন জনমত গরীবকূলে মুইন-এদুং  
জন্মে জন্মে বুদ্ধ ধৰ্ম্ম জ্ঞানান মুই ন-আরেদুং  
জাদি কূলেত্তুন পল্লাট পল্লাট অরহত্ ভাঙে মুই পিদুং  
আৰ্য্যমিত্র বুদ্ধরে মুই লাগত পিদুং  
তাঁর মুগত্তুন ধৰ্ম্ম কধা শুনিনেই  
এই ফুলর দানর ফলে অজর অমর মুই উদুং ।  
সাধু                      সাধু                      সাধু